

(713)

- 9.001.01a svādiṣṭhayā mādiṣṭhayā pávasva soma dhārayā |
9.001.01c índrāya pātave sutāḥ ||
9.001.02a rakṣohā viśvācarṣaṇir abhí yónim áyohatam |
9.001.02c drúṇā sadhástham áśadat ||
9.001.03a varivodhátamo bhava māmhiṣṭho vṛtrahántamaḥ |
9.001.03c páṛṣi rádho maghónām ||
9.001.04a abhy àrṣa mahānāṃ devānāṃ vītím ándhasā |
9.001.04c abhí vājam utá śrávaḥ ||
9.001.05a tvām áchā carāmasi tād íd árthaṃ divé-dive |
9.001.05c índo tvé na āśásaḥ ||
9.001.06a punāti te parisrútaṃ sómaṃ sūryasya duhitā |
9.001.06c vāreṇa śásvatā tánā ||
9.001.07a tám īm áṇvīḥ samaryá á gr̥bhñānti yóṣaṇo dáśa |
9.001.07c svásāraḥ párye diví ||
9.001.08a tám īm hinvanty agrúvo dhámanti bākuraṃ dṛtim |
9.001.08c tridhātu vāraṇám mádhu ||
9.001.09a abhīmám ághnyā utá śrīṇānti dhenávaḥ śísuṃ |
9.001.09c sómam índrāya pātave ||
9.001.10a asyéd índro mádeṣv á víśvā vṛtrāni jighnate |
9.001.10c sūro maghá ca maṃhate ||

(714)

- 9.002.01a pávasva devavír áti pavitraṃ soma ráṃhyā |
9.002.01c índram indo víṣā viśa ||
9.002.02a á vacyasva máhi psáro víṣendo dyumnávattamaḥ |
9.002.02c á yónim dharmasīḥ sadaḥ ||
9.002.03a ádhukṣata priyám mádhu dhārā sutásya vedhásaḥ |
9.002.03c apó vasiṣṭa sukrātuḥ ||
9.002.04a mahántaṃ tvā mahír ánv ápo arṣanti síndhavaḥ |
9.002.04c yád góbhir vāsaiṣyáse ||
9.002.05a samudró apsú māmṛje viṣṭambhó dharúṇo diváh |
9.002.05c sómaḥ pavítre asmayúḥ ||
9.002.06a ácikradad víṣā hárir mahán mitró ná darśatāḥ |
9.002.06c sám sūryeṇa rocate ||
9.002.07a gíras ta inda ójasā marmṛjyānte apasyúvaḥ |
9.002.07c yābhir mádāya súmbhase ||
9.002.08a tám tvā mádāya ghṛṣvaya ulokakṛtnúm īmahe |
9.002.08c táva práśastayo mahīḥ ||
9.002.09a asmábhyam indav indrayúr mádhvaḥ pavasva dhārayā |
9.002.09c parjányo vṛṣṭimāṃ iva ||
9.002.10a goṣā indo nr̥ṣā asy ásvasā vājasā utá |

9.002.10c ātmā yajñāsya pūrvyāḥ ||

(715)

- 9.003.01a eṣā devó ámar̥tyaḥ parṇavīr̥ iva dīyati |
9.003.01c abhí drónāny āsádam ||
9.003.02a eṣā devó vipā kṛtó 'ti hvārāṃsi dhāvati |
9.003.02c pávamāno ádābhyaḥ ||
9.003.03a eṣā devó vipanyúbhiḥ pávamāna ṛtāyúbhiḥ |
9.003.03c hárir vājāya mṛjyate ||
9.003.04a eṣā vísvāni vāryā súro yānn̥ iva sátvabhiḥ |
9.003.04c pávamānaḥ siṣāsati ||
9.003.05a eṣā devó ratharyati pávamāno daśasyati |
9.003.05c āviṣ̥ kṛṇoti vagvanúm ||
9.003.06a eṣā víprair̥ abhíṣṭuto 'pó devó ví gāhate |
9.003.06c dádhad rátnāni dāsúṣe ||
9.003.07a eṣā dívam̥ ví dhāvati tiró rájāṃsi dhārayā |
9.003.07c pávamānaḥ kánikradat ||
9.003.08a eṣā dívam̥ vy āsar̥at tiró rájāṃsy āspr̥taḥ |
9.003.08c pávamānaḥ svadhvarāḥ ||
9.003.09a eṣā pratnéna jánmanā devó devébhyaḥ sutāḥ |
9.003.09c háriḥ pavítre arṣati ||
9.003.10a eṣā u syá puruvrató jajñāno janáyann̥ íṣaḥ |
9.003.10c dhārayā pavate sutāḥ ||

(716)

- 9.004.01a sánā ca soma jéṣi ca pávamāna máhi śrávaḥ |
9.004.01c áthā no vasyasas kṛdhi ||
9.004.02a sánā jyótiḥ sánā svàr̥ vísvā ca soma saúbhagā |
9.004.02c áthā no vasyasas kṛdhi ||
9.004.03a sánā dáksam utá krátum ápa soma mṛdho jahi |
9.004.03c áthā no vasyasas kṛdhi ||
9.004.04a pávītāraḥ punītána sómam̥ índrāya pātave |
9.004.04c áthā no vasyasas kṛdhi ||
9.004.05a tvám̥ sūrye na á bhaja táva krátvā távotíbhīḥ |
9.004.05c áthā no vasyasas kṛdhi ||
9.004.06a táva krátvā távotíbhīr̥ jyók̥ paśyema sūryam̥ |
9.004.06c áthā no vasyasas kṛdhi ||
9.004.07a abhy ar̥ṣa svāyudha sóma dvibárhasam̥ rayím̥ |
9.004.07c áthā no vasyasas kṛdhi ||
9.004.08a abhy ar̥ṣānapacyuto rayím̥ samátsu sāsahīḥ |
9.004.08c áthā no vasyasas kṛdhi ||
9.004.09a tvám̥ yajñair̥ avīvṛdhan̥ pávamāna vídharmaṇi |
9.004.09c áthā no vasyasas kṛdhi ||

- 9.004.10a rayīm naś citrām aśvīnam índro viśváyum á bhara |
9.004.10c áthā no vāsyaśas kṛdhi ||

(717)

- 9.005.01a sámiddho viśvátas pátiḥ pávamāno ví rājati |
9.005.01c prīṇán vṛṣā kánikradat ||
9.005.02a tánūnápāt pávamānaḥ śṛṅge śísāno arṣati |
9.005.02c antárikṣeṇa rārajat ||
9.005.03a īlényaḥ pávamāno rayír ví rājati dyumán |
9.005.03c mádhor dhārābhir ójasā ||
9.005.04a barhīḥ prācīnam ójasā pávamāna strṇán háriḥ |
9.005.04c devēṣu devā īyate ||
9.005.05a úd átair jihate brhád dvāro devír hiraṇyáyīḥ |
9.005.05c pávamānena súṣtutāḥ ||
9.005.06a suśilpé bṛhatī mahī pávamāno vṛṣaṇyati |
9.005.06c náktōśāsā ná darśaté ||
9.005.07a ubhá devā nṛcáksasā hótārā daívyā huve |
9.005.07c pávamāna índro vṛṣā ||
9.005.08a bhāratī pávamānasya sárasvatīlā mahī |
9.005.08c imám no yajñám á gaman tísro devīḥ supéśasaḥ ||
9.005.09a tváṣtāram agrajám gopám puroyāvānam á huve |
9.005.09c índur índro vṛṣā háriḥ pávamānaḥ prajāpátiḥ ||
9.005.10a vānaspátim pávamāna mádhvā sám aṅgdhi dhārayā |
9.005.10c saháśravalśam háritam bhrājamānaḥ hiraṇyáyam ||
9.005.11a víśve devāḥ sváhākṛtim pávamānasyá gata |
9.005.11c vāyúr bṛhaspátiḥ sūryo 'gnír índraḥ sajōśasaḥ ||

(718)

- 9.006.01a mandráyā soma dhārayā vṛṣā pavasva devayúḥ |
9.006.01c ávyo vāreṣv asmayúḥ ||
9.006.02a abhí tyám mádyam mádam índav índra íti kṣara |
9.006.02c abhí vājino árvataḥ ||
9.006.03a abhí tyám pūrvyám mádam suvāno arṣa pavíttra á |
9.006.03c abhí vājam utá śrávaḥ ||
9.006.04a ánu drapsāsa índava ápo ná pravátāsaran |
9.006.04c punānā índram āsata ||
9.006.05a yám átyam iva vājīnam mṛjánti yōśaṇo dáśa |
9.006.05c vāne krīlantam átyavim ||
9.006.06a tám góbhīr vṛṣaṇam rásam mádāya devāvītaye |
9.006.06c sutám bhārāya sám srja ||
9.006.07a devó devāya dhārayéndrāya pavate sutáḥ |
9.006.07c páyo yád asya pīpáyat ||
9.006.08a ātmā vaiñāsva rámhvā susvānāḥ navate sutáh |

- 9.006.08c pratnám ní pāti kāvyaṃ ||
 9.006.09a evā punānā indrayúr mádam madiṣṭha vītāye |
 9.006.09c gūhā cid dadhiṣe girāḥ ||

(719)

- 9.007.01a ásrgram índavaḥ pathā dhármann ṛtásya suśríyaḥ |
 9.007.01c vidānā asya yójanam ||
 9.007.02a prá dhārā mádhvo agriyó mahír apó ví gāhate |
 9.007.02c havír havíṣṣu vándyaḥ ||
 9.007.03a prá yujó vācó agriyó víṣāva cakradad váne |
 9.007.03c sádmābhí satyó adhvarāḥ ||
 9.007.04a pári yát kāvya kavír ṛmṇā vásāno árṣati |
 9.007.04c svār vājí siṣāsati ||
 9.007.05a pávamāno abhí spṛdho víso rájeva sīdati |
 9.007.05c yád īm ṛnvānti vedhásaḥ ||
 9.007.06a ávyo vāre pári priyó hárir váneṣu sīdati |
 9.007.06c rebhó vanuṣyate matí ||
 9.007.07a sá vāyúm índram aśvínā sākám mádena gachati |
 9.007.07c ráṇa yó asya dhármabhiḥ ||
 9.007.08a á mitrávaruṇā bhágam mádhvaḥ pavanta ūrmáyaḥ |
 9.007.08c vidānā asya śákmabhiḥ ||
 9.007.09a asmábhyaṃ rodasī rayím mádhvo vājasya sātāye |
 9.007.09c śrávo vásūni sám jitam ||

(720)

- 9.008.01a eté sómā abhí priyám índrasya kāmam akṣaran |
 9.008.01c vārdhanto asya vīryam ||
 9.008.02a punānāsaś camūśádo gáchanto vāyúm aśvínā |
 9.008.02c té no dhāntu suvīryam ||
 9.008.03a índrasya soma rádhase punāno hárdi codaya |
 9.008.03c ṛtásya yónim āsádam ||
 9.008.04a mrjānti tvā dáśa kṣípo hinvānti saptá dhītáyaḥ |
 9.008.04c ánu víprā amādiṣuḥ ||
 9.008.05a devébhyas tvā mádāya kám srjānám áti meṣyaḥ |
 9.008.05c sám góbhír vāsayāmasi ||
 9.008.06a punānāḥ kalášeṣv á vástrāṇy aruṣó háriḥ |
 9.008.06c pári gávyāny avyata ||
 9.008.07a maghóna á pavasva no jahí víśvā ápa dvíṣaḥ |
 9.008.07c índro sákhāyam á viśa ||
 9.008.08a vṛṣṭím divāḥ pári srava dyumnám pṛthivyá ádhi |
 9.008.08c sáho naḥ soma pṛtsú dhāḥ ||
 9.008.09a ṛcákṣasam tvā vayám índrapītam svarvídam |

9.008.09c bhakṣīmāhi prajām íṣam ||

(721)

- 9.009.01a pári priyā divāḥ kavír váyāṃsi napyòr hitāḥ |
9.009.01c suvānó yāti kavíkratuḥ ||
9.009.02a prá-pra kṣáyāya pányase jánāya júṣto adruḥe |
9.009.02c vīty àrṣa cániṣṭhayā ||
9.009.03a sá sūnúr mātārā súcir jātó jāté arocayat |
9.009.03c mahān mahí ṛtāvṛdhā ||
9.009.04a sá saptá dhītúbhir hitó nadyò ajinvad adruḥaḥ |
9.009.04c yā ékam ákṣi vāvṛdhúḥ ||
9.009.05a tá abhí sántam ástṛtam mahé yúvānam á dadhuḥ |
9.009.05c índum indra táva vraté ||
9.009.06a abhí váhnir ámartyaḥ saptá paśyati vāvahiḥ |
9.009.06c krívir devír atarpayat ||
9.009.07a ávā kálpeṣu naḥ pumas támāṃsi soma yódhyā |
9.009.07c táni punāna jaṅghanāḥ ||
9.009.08a nū návyase náviyase sūktāya sādhayā pathāḥ |
9.009.08c pratnavád rocaya rūcaḥ ||
9.009.09a pávamāna máhi śrávo gām ásvaṃ rāsi vīrávat |
9.009.09c sánā medhām sánā svāḥ ||

(722)

- 9.010.01a prá svānāso ráthā ivárvanto ná śravasyávaḥ |
9.010.01c sómāso rāyé akramuḥ ||
9.010.02a hinvánāso ráthā iva dadhanviré gábhastyoḥ |
9.010.02c bhárāsaḥ kārīṇām iva ||
9.010.03a rájāno ná práśastibhiḥ sómāso góbhira añjate |
9.010.03c yajñó ná saptá dhātṛbhiḥ ||
9.010.04a pári suvānāsa índavo mādāya barhāṇā girā |
9.010.04c sutá arṣanti dhārayā ||
9.010.05a āpānāso vivásvato jánanta uśāso bhágam |
9.010.05c sūrā áṇvaṃ ví tanvate ||
9.010.06a ápa dvārā matínām pratná ṛṇvanti kārávaḥ |
9.010.06c víṣṇo hárasa āyávaḥ ||
9.010.07a samīcīnāsa āsate hótāraḥ saptájāmayaḥ |
9.010.07c padám ékasya píprataḥ ||
9.010.08a nābhā nābhiṃ na á dade cákṣuś cit sūrye sácā |
9.010.08c kavér ápatyam á duhe ||
9.010.09a abhí priyā divás padám adhvaryúbhir gúhā hitám |
9.010.09c sūraḥ paśyati cákṣasā ||

(723)

- 9.011.01a úpāsmāi gāyatā naraḥ pāvamānāyéndave |
9.011.01c abhí devā́m̐ íyaksate ||
9.011.02a abhí te mádhunā páyó 'tharvāṇo asísrayuḥ |
9.011.02c devāṃ devāya devayú ||
9.011.03a sá naḥ pavasva sám gāve sám jánāya sám árvate |
9.011.03c sám rājann óśadhībhyaḥ ||
9.011.04a babhrāve nú svátavase 'ruṇāya divispíṣe |
9.011.04c sómāya gāthām arcata ||
9.011.05a hástacyutebhir ádrībhiḥ sutām sómam punītana |
9.011.05c mádhāv ā dhāvātā mádhu ||
9.011.06a námaséd úpa sīdata dadhnéd abhí śrīṇītana |
9.011.06c índum índre dadhātana ||
9.011.07a amitrahá vícarṣaṇiḥ pávasva soma sám gāve |
9.011.07c devébhyo anukāmakṛt ||
9.011.08a índrāya soma pātave mádāya pári ṣicyase |
9.011.08c manaścín mánasas pátiḥ ||
9.011.09a pāvamāna suvīryaṃ rayiṃ soma rirīhi naḥ |
9.011.09c índav índreṇa no yujá ||

(724)

- 9.012.01a sómā asrgram índavaḥ sutá ṛtāsya sādane |
9.012.01c índrāya mádhumattamāḥ ||
9.012.02a abhí víprā anūṣata gāvo vatsām ná mātáraḥ |
9.012.02c índraṃ sómasya pītāye ||
9.012.03a madacyút kṣeti sādane síndhor ūrmā vipaścít |
9.012.03c sómo gaurí ádhi śritáḥ ||
9.012.04a divó nābhā vicakṣaṇó 'vyo vāre mahīyate |
9.012.04c sómo yáḥ sukrātuḥ kavíḥ ||
9.012.05a yáḥ sómaḥ kaláśeṣv ā́m̐ antáḥ pavíttra áhitaḥ |
9.012.05c tám índuḥ pári ṣasvaje ||
9.012.06a prá vācam índur iṣyati samudrāsyaádhi viṣṭápi |
9.012.06c jínvan kósam madhuścútam ||
9.012.07a nítystotro vānaspátir dhīnām̐ antáḥ sabardúghaḥ |
9.012.07c hinvāno mánuṣā yugá ||
9.012.08a abhí priyá divás padá sómo hinvāno arṣati |
9.012.08c víprasya dhārayā kavíḥ ||
9.012.09a ā́ pavamāna dhārāya rayiṃ sahásravarcasam |
9.012.09c asmé indo svābhúvam ||

(725)

- 9.013.01a sómaḥ punānó arṣati saḥásradhāro átyaviḥ |
 9.013.01c vāyór índrasya niṣkṛtám ||
 9.013.02a pávamānam avasyavo vípram abhí prá gāyata |
 9.013.02c suṣvānaṃ devávītaye ||
 9.013.03a pávante vājasātaye sómaḥ saḥásrapājasah |
 9.013.03c grṇānā devávītaye ||
 9.013.04a utá no vājasātaye pávasva bṛhatīr íṣah |
 9.013.04c dyumád indo suvīryam ||
 9.013.05a té naḥ sahasrīnaṃ rayím pávantām ā suvīryam |
 9.013.05c suvānā devāsa índavaḥ ||
 9.013.06a átyā hiyānā ná hetṛbhir ásṛgraṃ vājasātaye |
 9.013.06c ví vāram ávyam āśávaḥ ||
 9.013.07a vāśrā arṣantīndavo 'bhí vatsám ná dhenávaḥ |
 9.013.07c dadhanviré gābhastyoḥ ||
 9.013.08a júṣṭa índrāya matsaráḥ pávamāna kánikradat |
 9.013.08c víśvā ápa dvíṣo jahi ||
 9.013.09a apaghnánto árāvṇaḥ pávamānāḥ swardṛśah |
 9.013.09c yónāv ṛtásya sīdata ||

(726)

- 9.014.01a pári prásiṣyadat kavíḥ síndhor ūrmāv ádhi śritáh |
 9.014.01c kārám bíbhrat puruspṛham ||
 9.014.02a girá yádī sábandhavaḥ páñca vrātā apasyávaḥ |
 9.014.02c pariṣkṛṇvánti dharmasím ||
 9.014.03a ād asya śuṣmíṇo ráse víśve devā amatsata |
 9.014.03c yádī góbhir vasāyáte ||
 9.014.04a niriṇānó ví dhāvati jáhac cháryāṇi tánvā |
 9.014.04c átrā sám jighnate yujá ||
 9.014.05a naptībhir yó vivásvataḥ śubhró ná māmṛjé yúvā |
 9.014.05c gāḥ kṛṇvānó ná nirñijam ||
 9.014.06a áti śrití tiraścátā gavyā jigāty aṅvyā |
 9.014.06c vagnúm iyarti yám vidé ||
 9.014.07a abhí kṣípaḥ sám agmata marjáyantīr íśás pátim |
 9.014.07c pṛṣṭhá grbhṇata vājínaḥ ||
 9.014.08a pári divyāni mármṛśad víśvāni soma páṛthivā |
 9.014.08c vásūni yāhy asmayúḥ ||

(727)

- 9.015.01a eṣá dhiyá yāty aṅvyā śúro ráthebhir āśúbhiḥ |
 9.015.01c gáchann índrasya niṣkṛtám ||
 9.015.02a eṣá purú dhiyāyate bṛhaté devátātaye |
 9.015.02c yátrāmṛtāsa āsate ||
 9.015.03a eṣá hitó ví nīyate 'ntáh śubhrávatā pathá |

- 9.015.03c yádī tuñjánti bhūrṇayaḥ ||
 9.015.04a eṣá śṛṅgāṇi dódhuvac chíṣīte yūthyò vṛṣā |
 9.015.04c nṛmṇā dádhāna ójasā ||
 9.015.05a eṣá rukmíbhīr īyate vājī śubhrébhīr aṃśúbhīḥ |
 9.015.05c pátiḥ síndhūnām bhávan ||
 9.015.06a eṣá vásūni pibdanā páruṣā yayivāṃ áti |
 9.015.06c áva śádeṣu gachati ||
 9.015.07a etám mrjanti márjyam úpa dróṇeṣv āyávaḥ |
 9.015.07c pracakrāṇám mahír íṣaḥ ||
 9.015.08a etám u tyám dáśa kṣīpo mrjánti saptá dhītáyāḥ |
 9.015.08c svāyudhám madántamam ||

(728)

- 9.016.01a prá te sotára oṇyò rásam mádāya ghṛṣvaye |
 9.016.01c sárgo ná takty étaśaḥ ||
 9.016.02a krátvā dáksasya rathyām apó vásānam ándhasā |
 9.016.02c goṣām áṇveṣu saścima ||
 9.016.03a ánaptam apsú duṣtáram sómam pavítra á sṛja |
 9.016.03c punihíndrāya pátave ||
 9.016.04a prá punánasya cétasā sómaḥ pavítre arṣati |
 9.016.04c krátvā sadhástham áśadat ||
 9.016.05a prá tvā námobhir índava índra sómā asṛksata |
 9.016.05c mahé bhārāya kārīṇaḥ ||
 9.016.06a punāno rūpé avyáye vísvā árṣann abhí śríyaḥ |
 9.016.06c śúro ná góṣu tiṣṭhati ||
 9.016.07a divó ná sánu pipyúṣī dhārā sutásya vedhásāḥ |
 9.016.07c víṭhā pavítre arṣati ||
 9.016.08a tvám soma vipaścítam tánā punāná āyúṣu |
 9.016.08c ávyo vāram ví dhāvasi ||

(729)

- 9.017.01a prá nimnéneva síndhavo ghnánto vṛtrāṇi bhūrṇayaḥ |
 9.017.01c sómā asrgram āśávaḥ ||
 9.017.02a abhí suvánāsa índavo vṛṣtáyāḥ pṛthivím iva |
 9.017.02c índram sómāso akṣaran ||
 9.017.03a átyūrmir matsaró mádaḥ sómaḥ pavítre arṣati |
 9.017.03c vighnán rákṣāṃsi devayúḥ ||
 9.017.04a á kaláṣeṣu dhāvati pavítre pári śicyate |
 9.017.04c ukthaír yajñeṣu vardhate ||
 9.017.05a áti trí soma rocanā róhan ná bhrājase dívam |
 9.017.05c iṣṇán sūryam ná codayaḥ ||
 9.017.06a abhí víprā anūṣata mūrdhán yajñásya kārávaḥ |

- 9.017.06c dádhānās cákṣasi priyám ||
9.017.07a tám u tvā vājīnaṃ náro dhībhír víprā avasyávaḥ |
9.017.07c mrjānti devātātaye ||
9.017.08a mádhora dhārām ánu kṣara tīvrāḥ sadhástham āsadaḥ |
9.017.08c cārur ṛtāya pītāye ||

(730)

- 9.018.01a pári suvánó giriṣṭhāḥ pavítre sómo akṣāḥ |
9.018.01c mádeṣu sarvadhā asi ||
9.018.02a tvāṃ vípras tvāṃ kavír mádhu prá jātám ándhasaḥ |
9.018.02c mádeṣu sarvadhā asi ||
9.018.03a táva víśve sajóśaso devāsaḥ pītím āsata |
9.018.03c mádeṣu sarvadhā asi ||
9.018.04a ā yó víśvāni vāryā vásūni hástayora dadhé |
9.018.04c mádeṣu sarvadhā asi ||
9.018.05a yá imé ródasī mahī sám mātāreva dóhate |
9.018.05c mádeṣu sarvadhā asi ||
9.018.06a pári yó ródasī ubhé sadyó vājebhir arṣati |
9.018.06c mádeṣu sarvadhā asi ||
9.018.07a sá śuṣmī kalāśeṣv ā punānó acikradat |
9.018.07c mádeṣu sarvadhā asi ||

(731)

- 9.019.01a yát soma citráṃ ukthyāṃ divyám párthivaṃ vásu |
9.019.01c tán naḥ punāná ā bhara ||
9.019.02a yuvám hí sthāḥ svàrpatī índraś ca soma gópatī |
9.019.02c īśāná pipyataṃ dhíyaḥ ||
9.019.03a vṛṣā punāná āyúṣu stanáyann ádhi barhīṣi |
9.019.03c háriḥ sán yónim āsadat ||
9.019.04a ávāvaśanta dhītāyo vṛṣabhásyādhi rétasi |
9.019.04c sūnór vatsásya mātáraḥ ||
9.019.05a kuvíd vṛṣaṇyántībhyaḥ punānó gárbham ādádhat |
9.019.05c yāḥ śukráṃ duhaté páyaḥ ||
9.019.06a úpa śikṣāpatasthúṣo bhíyasam ā dhehi sátruṣu |
9.019.06c pávamāna vidā rayím ||
9.019.07a ní sátroḥ soma vṛṣṇyaṃ ní śúṣmaṃ ní váyas tira |
9.019.07c dūrē vā sató ánti vā ||

(732)

- 9.020.01a prá kavír devávītayé 'vyo vārebhir arṣati |
9.020.01c sāhvān víśvā abhí sprdhaḥ ||
9.020.02a sá hí śmā jaritṛbhya ā vājāṃ gómantam ínvati |

- 9.020.02c pávamānaḥ sahasrīnam ||
 9.020.03a pári víśvāni cétaśā mṛśāse pávase matī |
 9.020.03c sá naḥ soma śrávo vidaḥ ||
 9.020.04a abhy āṛṣa bṛhád yáśo maghávadbhyo dhruváṃ rayīm |
 9.020.04c íṣaṃ stotṛbhya ā bhara ||
 9.020.05a tvám rájēva suvrató gíraḥ somā viveśitha |
 9.020.05c punānó vahne adbhuta ||
 9.020.06a sá váhnir apsú duṣṭáro mrjyámāno gábhastyoḥ |
 9.020.06c sómaś camūṣu sīdati ||
 9.020.07a krīlúr makhó ná maṃhayúḥ pavítṛaṃ soma gachasi |
 9.020.07c dádhat stotré suvīryam ||

(733)

- 9.021.01a eté dhāvantīndavaḥ sómā índrāya ghṛṣvayaḥ |
 9.021.01c matsarāśaḥ svarvídaḥ ||
 9.021.02a pravṛṇvānto abhiyújaḥ súṣvaye varivovídaḥ |
 9.021.02c svayám stotré vayaskṛtaḥ ||
 9.021.03a vīthā krīlanta índavaḥ sadhástham abhy ékam ít |
 9.021.03c síndhor ūrmā vy àkṣaran ||
 9.021.04a eté víśvāni vāryā pávamānāsa āśata |
 9.021.04c hitá ná sáptayo ráthe ||
 9.021.05a āsmin píśāṅgam indavo dádhatā venám ādīśe |
 9.021.05c yó asmábhyam árāvā ||
 9.021.06a ṛbhúr ná ráthyaṃ návam dádhatā kétam ādīśe |
 9.021.06c śukráḥ pavadhvam árṇasā ||
 9.021.07a etá u tyé avīvaśan káṣṭhām vājino akrata |
 9.021.07c satáḥ práśāviṣur matím ||

(734)

- 9.022.01a eté sómāsa āśávo ráthā iva prá vājinaḥ |
 9.022.01c sárgāḥ sṛṣṭā aheṣata ||
 9.022.02a eté vātā ivorávaḥ parjányasyeva vṛṣṭáyaḥ |
 9.022.02c agnér iva bhramā vīthā ||
 9.022.03a eté pūtā vipaścítaḥ sómāso dádhyāśiraḥ |
 9.022.03c vipā vy ànaśur dhíyaḥ ||
 9.022.04a eté mṛṣṭā ámarthyāḥ sasṛvámso ná śaśramuḥ |
 9.022.04c íyakṣantaḥ pathó rájaḥ ||
 9.022.05a eté pṛṣṭhāni ródasor viprayānto vy ànaśuḥ |
 9.022.05c utédám uttamám rájaḥ ||
 9.022.06a tántum tanvānám uttamám ánu praváta āśata |
 9.022.06c utédám uttamáyyam ||
 9.022.07a tvám soma paṇībhya ā vásu gávyāni dhārayaḥ |
 9.022.07c tatám tántum acikradaḥ ||

(735)

- 9.023.01a sómā asrgram āśávo mádhor mádasya dhárayā |
9.023.01c abhí víśvāni kāvya ||
9.023.02a ánu pratnása āyávaḥ padám návīyo akramuḥ |
9.023.02c rucé jananta sūryam ||
9.023.03a á pavamāna no bharāryó ádāśuṣo gáyam |
9.023.03c kṛdhí prajāvatīr íṣaḥ ||
9.023.04a abhí sómāsa āyávaḥ pávante mádyam mádam |
9.023.04c abhí kósam madhuścútam ||
9.023.05a sómo arṣati dharṇasír dádhána indriyám rásam |
9.023.05c suvíro abhiśastipáḥ ||
9.023.06a índrāya soma pavase devébhyaḥ sadhamádyah |
9.023.06c índo vājāṃ siśāsasi ||
9.023.07a asyá pītvá mádānām índro vṛtrāṇy apratí |
9.023.07c jaghána jaghānac ca nú ||

(736)

- 9.024.01a prá sómāso adhanviṣuḥ pávamānāsa índavaḥ |
9.024.01c śrīṇāná apsú mṛñjata ||
9.024.02a abhí gávo adhanviṣur ápo ná pravátā yatīḥ |
9.024.02c punāná índram āsata ||
9.024.03a prá pavamāna dhanvasi sóméndrāya pátave |
9.024.03c nṛbhir yató ví nīyase ||
9.024.04a tvám soma nṛmādanaḥ pávasva carṣaṇísáhe |
9.024.04c sásnir yó anumádyah ||
9.024.05a índo yád ádribhiḥ sutáḥ pavítram paridhāvasi |
9.024.05c áram índrasya dhámne ||
9.024.06a pávasva vṛtrahantamokthébhīr anumádyah |
9.024.06c śúciḥ pávakó ádbhutaḥ ||
9.024.07a śúciḥ pávaká ucyate sómaḥ sutásya mádhvah |
9.024.07c devāvīr aghaśamsahá ||

(737)

- 9.025.01a pávasva dakṣasádhano devébhyaḥ pītáye hare |
9.025.01c marúdbhyo vāyáve mádaḥ ||
9.025.02a pávamāna dhiyá hitò 'bhí yónim kánikradat |
9.025.02c dhármaṇā vāyúm á vísa ||
9.025.03a sám devaíḥ śobhate víśā kavír yónāv ádhi priyáḥ |
9.025.03c vṛtrahá devavítamaḥ ||
9.025.04a vísvā rūpāṇy áviśán punāno yāti haryatáḥ |
9.025.04c yátrāmṛtāsa āsate ||

- 9.025.05a aruṣó janáyan gírah sómaḥ pavata āyuṣák |
9.025.05c índram gáchan kavíkratuḥ ||
9.025.06a á pavasva madintama pavíttram dhárayā kave |
9.025.06c arkásya yónim āsádam ||

(738)

- 9.026.01a tám amṛkṣanta vājínam upásthe áditer ádhi |
9.026.01c víprāso añvyā dhiyā ||
9.026.02a tám gāvo abhy ānūṣata saháradhāram ákṣitam |
9.026.02c índum dhartāram á divāḥ ||
9.026.03a tám vedhām medháyāhyan pávamānam ádhi dyávi |
9.026.03c dharmásim bhúridhāyasam ||
9.026.04a tám ahyan bhuríjor dhiyā samvāsānam vivásvataḥ |
9.026.04c pátiṃ vācó ádābhyam ||
9.026.05a tám sánāv ádhi jāmáyo háriṃ hinvanty ádribhiḥ |
9.026.05c haryatám bhúricakṣasam ||
9.026.06a tám tvā hinvanti vedhásah pávamāna girāvrdham |
9.026.06c índav índrāya matsarām ||

(739)

- 9.027.01a eṣá kavír abhíṣtutaḥ pavítre ádhi tośate |
9.027.01c punāno ghnānn ápa srídhaḥ ||
9.027.02a eṣá índrāya vāyāve svarjít pári śicyate |
9.027.02c pavítre dakṣasádhanaḥ ||
9.027.03a eṣá nṛbhir ví nīyate divó mūrdhá víṣā sutáḥ |
9.027.03c sómo váneṣu viśvavít ||
9.027.04a eṣá gavyúr acikradat pávamāno hiranyayúḥ |
9.027.04c índuḥ satrājíd ástrtaḥ ||
9.027.05a eṣá sūryeṇa hāsate pávamāno ádhi dyávi |
9.027.05c pavítre matsaró mádaḥ ||
9.027.06a eṣá śuṣmy āsiṣyadad antárikṣe víṣā háriḥ |
9.027.06c punāná índur índram á ||

(740)

- 9.028.01a eṣá vājí hitó nṛbhir viśvavín mánasas pátiḥ |
9.028.01c ávyo vāram ví dhāvati ||
9.028.02a eṣá pavítre akṣarat sómo devébhyaḥ sutáḥ |
9.028.02c vísvā dhāmāny āviśán ||
9.028.03a eṣá devāḥ śubhāyaté 'dhi yónāv ámartyaḥ |
9.028.03c vṛtrahá devavítamaḥ ||
9.028.04a eṣá víṣā kánikradad daśábhīr jāmíbhīr yatáḥ |
9.028.04c abhí drónāni dhāvati ||

- 9.028.05a eṣá sūryam arocayat pávamāno vícarṣaṇiḥ |
9.028.05c vísvā dhāmāni vísvavít ||
9.028.06a eṣá śuṣmy ádābhyaḥ sómaḥ punāno arṣati |
9.028.06c devāvīr aghaśamsahá ||

(741)

- 9.029.01a práśya dhārā akṣaran vīṣṇaḥ sutásyaújasā |
9.029.01c devāñ ánu prabhūṣataḥ ||
9.029.02a sáptim mṛjanti vedháso gṛñantaḥ kārāvo girā |
9.029.02c jyótir jajñānām ukthyām ||
9.029.03a suśáhā soma táni te punānáya prabhūvaso |
9.029.03c vārdhā samudrām ukthyām ||
9.029.04a vísvā vásūni samjáyan pávasva soma dhārayā |
9.029.04c inú dvéṣāṃsi sadhryāk ||
9.029.05a rákṣā sú no áraruṣaḥ svanát samasya kásya cit |
9.029.05c nidó yátra mumucmáhe ||
9.029.06a éndo párthivam rayim divyám pávasva dhārayā |
9.029.06c dyumántam śúśmam á bhara ||

(742)

- 9.030.01a prá dhārā asya śuśmīno vīthā pavítre akṣaran |
9.030.01c punāno vācam iṣyati ||
9.030.02a índur hiyānáḥ sotṛbhīr mṛjyāmānaḥ kánikradat |
9.030.02c íyarti vagnúm indriyám ||
9.030.03a á naḥ śúśmam nṛṣāhyam vīrávantam puruspr̥ham |
9.030.03c pávasva soma dhārayā ||
9.030.04a prá sómo áti dhārayā pávamāno asiṣyadat |
9.030.04c abhí drōṇany āsádam ||
9.030.05a apsú tvā mádhumattamaḥ hárim hinvanty ádrībhiḥ |
9.030.05c índav índrāya pītāye ||
9.030.06a sunótā mádhumattamaḥ sómam índrāya vajrīṇe |
9.030.06c cāruḥ śárdhāya matsarām ||

(743)

- 9.031.01a prá sómāsaḥ svādhyāḥ pávamānāso akramuḥ |
9.031.01c rayim kṛṇvanti cétanam ||
9.031.02a divás pṛthivyā ádhi bhávendo dyumnavárdhanaḥ |
9.031.02c bhāvā vājānām pátih ||
9.031.03a túbhyam vātā abhipríyas túbhyam arṣanti síndhavaḥ |
9.031.03c sóma vārdhanti te máhaḥ ||
9.031.04a á pyāyasva sám etu te vísvátaḥ soma vīṣṇyam |
9.031.04c bhāvā vājasya saṃgathé ||

- 9.031.05a túbhyaṃ gāvo ghr̥tām páyo bábhro duduhré ákṣitam |
9.031.05c vārṣiṣṭhe ádhi sānavi ||
9.031.06a svāyudhāsya te sató bhúvanasya pate vayám |
9.031.06c índo sakhitvám uśmasi ||

(744)

- 9.032.01a prá sómāso madacyútaḥ śrávase no maghónaḥ |
9.032.01c sutá vidáthe akramuḥ ||
9.032.02a ád īṃ tritásya yóṣaṇo háriṃ hinvanty ádribhiḥ |
9.032.02c índum índrāya pītáye ||
9.032.03a ád īṃ haṃsó yáthā gaṇám víśvasyāvīvaśan matím |
9.032.03c átyo ná góbhir ajoyate ||
9.032.04a ubhé somāvacākaśan mrgó ná taktó arṣasi |
9.032.04c sīdann ṛtásya yónim á ||
9.032.05a abhí gāvo anūṣata yóṣā jārám iva priyám |
9.032.05c ágann ājím yáthā hitám ||
9.032.06a asmé dhehi dyumád yáso maghāvadbhyaś ca máhyaṃ ca |
9.032.06c saním medhām utá śrávaḥ ||

(745)

- 9.033.01a prá sómāso vipaścíto 'pām ná yanty ūrmáyaḥ |
9.033.01c vánāni mahiṣā iva ||
9.033.02a abhí dróṇāni babhrávaḥ súkrā ṛtásya dhārayā |
9.033.02c vājaṃ gómantam akṣaran ||
9.033.03a sutá índrāya vāyáve váruṇāya marúdbhyaḥ |
9.033.03c sómā arṣanti víṣṇave ||
9.033.04a tísro vāca úd īrate gāvo mimanti dhenávaḥ |
9.033.04c hárir eti kánikradat ||
9.033.05a abhí bráhmīr anūṣata yahvīr ṛtásya mātáraḥ |
9.033.05c marmrjyānte diváh śísuṃ ||
9.033.06a rāyáḥ samudrāṃś catúro 'smábhyaṃ soma víśvátaḥ |
9.033.06c á pavasva sahasríṇaḥ ||

(746)

- 9.034.01a prá suvánó dhārayā tánéndur hinvánó arṣati |
9.034.01c rujád dr̥lhā vy ójasā ||
9.034.02a sutá índrāya vāyáve váruṇāya marúdbhyaḥ |
9.034.02c sómo arṣati víṣṇave ||
9.034.03a víṣāṇaṃ víṣabhir yatám sunvánti sómam ádribhiḥ |
9.034.03c duhánti sákmanā páyaḥ ||
9.034.04a bhúvat tritásya márjyo bhúvad índrāya matsaráḥ |
9.034.04c sám rūpaír ajoyate háriḥ ||

- 9.034.05a abhīm ṛtāsya viṣṭapaṃ duhaté pṛśnimātarah |
9.034.05c cāru priyātamaṃ havīḥ ||
9.034.06a sám enam áhṛutā imā gíro arṣanti sasrútaḥ |
9.034.06c dhenūr vāsró avīvaśat ||

(747)

- 9.035.01a á naḥ pavasva dhārayā pávamāna rayím pṛthúm |
9.035.01c yáyā jyótir vidāsi naḥ ||
9.035.02a índo samudramīnkhaya pávasva viśvamejaya |
9.035.02c rāyó dhartā na ójasā ||
9.035.03a tváyā vīreṇa vīravo 'bhí śyāma pṛtanyatāḥ |
9.035.03c kṣārā ṇo abhí vāryam ||
9.035.04a prá vājā índur iṣyati síśāsan vājasā ṛṣiḥ |
9.035.04c vratā vidāná āyudhā ||
9.035.05a tám gīrbhír vācamīnkhayām punānām vāsayāmasi |
9.035.05c sómaṃ jánasya gópatim ||
9.035.06a vísvo yāsya vraté jáno dādḥāra dhármaṇas páteḥ |
9.035.06c punānāsya prabhūvasoḥ ||

(748)

- 9.036.01a ásarji ráthyo yathā pavítre camvòḥ sutāḥ |
9.036.01c kārṣman vājī ny àkramīt ||
9.036.02a sá váhniḥ soma jágrviḥ pávasva devavír áti |
9.036.02c abhí kósam madhuścútam ||
9.036.03a sá no jyótīmṣi pūrvya pávamāna ví rocaya |
9.036.03c krátve dákṣāya no hinu ||
9.036.04a śumbhāmāna ṛtāyúbhir mṛjyámāno gābhastyoḥ |
9.036.04c pávate vāre avyáye ||
9.036.05a sá vísvā dāsúṣe vásu sómo divyāni pāṛthivā |
9.036.05c pávatām ántárikṣyā ||
9.036.06a á divás pṛṣṭhám ásvayúr gavyayúḥ soma rohasi |
9.036.06c vīrayúḥ śavasaḥ pate ||

(749)

- 9.037.01a sá sutāḥ pītāye víṣā sómaḥ pavítre arṣati |
9.037.01c vighnán rákṣāṃsi devayúḥ ||
9.037.02a sá pavítre vicakṣaṇó hárir arṣati dharmasíḥ |
9.037.02c abhí yónim kánikradat ||
9.037.03a sá vājī rocanā divāḥ pávamāno ví dhāvati |
9.037.03c rakṣohá vāram avyáyam ||
9.037.04a sá tritásyādhi sánavi pávamāno arocayat |
9.037.04c jāmbhiḥ sūryam sahá ||

- 9.037.05a sá vṛtrahā vṛṣā sutó varivovíd ádābhyah |
9.037.05c sómo vājāṃ ivāsarāt ||
9.037.06a sá devāḥ kavīṣeṣitò 'bhí dróṇāni dhāvati |
9.037.06c índur índrāya maṃhānā ||

(750)

- 9.038.01a eṣā u syá vṛṣā ráthó 'vyo vārebhir arṣati |
9.038.01c gáchan vājāṃ sahasrīṇam ||
9.038.02a etāṃ tritāsya yóṣaṇo háriṃ hinvanty ádribhiḥ |
9.038.02c índum índrāya pītāye ||
9.038.03a etāṃ tyāṃ haríto dáśa marmṛjyānte apasyúvaḥ |
9.038.03c yābhir mádāya súmbhate ||
9.038.04a eṣā syá mānuṣīṣv á syenó ná vikṣú sīdati |
9.038.04c gáchañ jāró ná yoṣítam ||
9.038.05a eṣā syá mádyo rásó 'va caṣṭe divāḥ śísuḥ |
9.038.05c yá índur vāram áviśat ||
9.038.06a eṣā syá pītāye sutó hárir arṣati dharmasíḥ |
9.038.06c krándan yónim abhí priyám ||

(751)

- 9.039.01a āśúr arṣa bṛhanmate pári priyéṇa dhāmnā |
9.039.01c yātra devā íti brávan ||
9.039.02a pariṣkrṇvānn ániṣkrtaṃ jánāya yātáyann íṣaḥ |
9.039.02c vṛṣṭím divāḥ pári srava ||
9.039.03a sutá eti pavíttra á tvíṣim dádhdhāna ójasā |
9.039.03c vicákṣāṇo virocáyan ||
9.039.04a ayāṃ sá yó divás pári raghuyāmā pavíttra á |
9.039.04c síndhor ūrmá vy ákṣarat ||
9.039.05a āvívāsan parāváto átho arvāvátah sutáḥ |
9.039.05c índrāya sicyate mádhu ||
9.039.06a samícīnā anūṣata háriṃ hinvanty ádribhiḥ |
9.039.06c yónāv ṛtāsya sīdata ||

(752)

- 9.040.01a punānó akramīd abhí víśvā mṛdho vícarṣaṇiḥ |
9.040.01c śumbhānti vípraṃ dhītíbhīḥ ||
9.040.02a á yónim aruṇó ruhad gámad índraṃ vṛṣā sutáḥ |
9.040.02c dhruvé sádasi sīdati ||
9.040.03a nū no rayím mahám indo 'smábhyaṃ soma víśvátah |
9.040.03c á pavasva sahasrīṇam ||
9.040.04a víśvā soma pavamāna dyumnānīndav á bhara |
9.040.04c vídāḥ sahasrīṇīr íṣaḥ ||

- 9.040.05a sá naḥ punāná ā bhara rayīm stotrē suvīryam |
9.040.05c jaritūr vardhayā girāḥ ||
9.040.06a punāná indav ā bhara sóma dvibārhasaṃ rayīm |
9.040.06c viṣṣann indo na ukthyām ||

(753)

- 9.041.01a prá yé gāvo ná bhūrṇayas tveṣā ayāso ákramuḥ |
9.041.01c ghnántaḥ kṛṣṇām ápa tvácam ||
9.041.02a suvitásya manāmahé 'ti sétuṃ durāvyām |
9.041.02c sāhvāmso dásyum avratám ||
9.041.03a śṛṇvé vṛṣṭér iva svanáḥ pávamānasya śuṣmíṇaḥ |
9.041.03c cáranti vidyúto diví ||
9.041.04a ā pavasva mahím iṣaṃ gómad indo híraṇyavat |
9.041.04c áśvāvad vājavat sutáḥ ||
9.041.05a sá pavasva vicarṣaṇa ā mahí ródasī pṛṇa |
9.041.05c uṣāḥ sūryo ná raśmíbhiḥ ||
9.041.06a pári ṇaḥ śarmayāntyā dhārayā soma viśvátāḥ |
9.041.06c sārā raséva viṣṭápam ||

(754)

- 9.042.01a janáyan rocanā divó janáyann apsú sūryam |
9.042.01c vásāno gā apó háriḥ ||
9.042.02a eṣā pratnéna mánmanā devó devébhyas pári |
9.042.02c dhārayā pavate sutáḥ ||
9.042.03a vāvṛdhānāya túrvaye pávante vājasātaye |
9.042.03c sómāḥ sahásrapājasah ||
9.042.04a duhānáḥ pratnám ít páyaḥ pavítre pári ṣicyate |
9.042.04c krándan devām̐ ajījanat ||
9.042.05a abhí vísvāni vāryābhí devām̐ ṛtāvṛdhaḥ |
9.042.05c sómaḥ punāno arṣati ||
9.042.06a góman naḥ soma vīrávad áśvāvad vājavat sutáḥ |
9.042.06c pávasva bṛhatír iṣaḥ ||

(755)

- 9.043.01a yó átya iva mrjyáte góbhír mādāya haryatáḥ |
9.043.01c tám gīrbhír vāsayāmasi ||
9.043.02a tám no vísvā avasyúvo girāḥ śumbhanti pūrváthā |
9.043.02c índum índrāya pītāye ||
9.043.03a punāno yāti haryatáḥ sómo gīrbhíḥ páriṣkṛtaḥ |
9.043.03c víprasya médhyātitheḥ ||
9.043.04a pávamāna vidā rayīm asmábhyaṃ soma suśríyam |
9.043.04c indo sahásravarcasam ||

- 9.043.05a índur átyo ná vājasít kánikranti pavíttra á |
9.043.05c yád ákṣār áti devayúḥ ||
9.043.06a pávasva vājasātaye víprasya gr̥ṇató vṛdhé |
9.043.06c sóma rāsva suvīryam ||

(756)

- 9.044.01a prá ṇa indo mahé tána ūrmím ná bíbhrad arṣasi |
9.044.01c abhí devāṃ ayásyah ||
9.044.02a matí juṣtó dhiyá hitáḥ sómo hinve parāvátī |
9.044.02c víprasya dhārayā kavíḥ ||
9.044.03a ayám devéṣu jāgr̥viḥ sutá eti pavíttra á |
9.044.03c sómo yāti vícarṣaṇiḥ ||
9.044.04a sá naḥ pavasva vājayús cakraṇás cārum adhvarám |
9.044.04c barhíṣmāṃ á vivāsati ||
9.044.05a sá no bhágāya vāyāve vípravīraḥ sadāvṛdhaḥ |
9.044.05c sómo devéṣv á yamat ||
9.044.06a sá no adyá vásuttaye kratuvíd gātuvíttaṃ |
9.044.06c vājam jeṣi śrávo bṛhát ||

(757)

- 9.045.01a sá pavasva mādāya kám nṛcákṣā devávītaye |
9.045.01c índav índrāya pītāye ||
9.045.02a sá no arṣābhí dūtyāṃ tvám índrāya tośase |
9.045.02c devān sákhībhya á váram ||
9.045.03a utá tvám aruṇám vayám góbhir añjmo mādāya kám |
9.045.03c ví no rāyé dúro vṛdhi ||
9.045.04a áty ū pavíttram akramíd vājí dhúraṃ ná yāmani |
9.045.04c índur devéṣu patyate ||
9.045.05a sám ī sákhāyo asvaran váne kr̥ṇantam átyavim |
9.045.05c índuṃ nāvā anūṣata ||
9.045.06a táya pavasva dhārayā yáyā pītó vicákṣase |
9.045.06c índo stotré suvīryam ||

(758)

- 9.046.01a ásṛgran devávītayé 'tyāsaḥ kṛtvā iva |
9.046.01c kṣārantah parvatāvṛdhaḥ ||
9.046.02a páriṣkṛtāsa índavo yóṣeva pítiryāvātī |
9.046.02c vāyúṃ sómā asṛkṣata ||
9.046.03a eté sómāsa índavaḥ práyasvantaḥ camú sutāḥ |
9.046.03c índraṃ vardhanti kármabhiḥ ||
9.046.04a á dhāvātā suhastyah súkrā gr̥bhṇīta manthínā |
9.046.04c góbhiḥ śrīṇīta matsarám ||

- 9.046.05a śá pavaśva dhanamjaya prayantā rádhaso maháh |
9.046.05c asmábhyaṃ soma gātuvít ||
9.046.06a etám mṛjanti márjyam pávamānaṃ dáśa kṣípaḥ |
9.046.06c índrāya matsarám mádam ||

(759)

- 9.047.01a ayā sómaḥ sukrtyáyā mahás cid abhy àvardhata |
9.047.01c mandāná úd vṛṣāyate ||
9.047.02a kṛtáníd asya kártvā cétante dasyutárhaṇā |
9.047.02c ṛṇā ca dhr̥ṣnúś cayate ||
9.047.03a āt sóma indriyó ráso vájraḥ sahasrasā bhuvat |
9.047.03c ukthám yád asya jáyate ||
9.047.04a svayám kavír vidhartári víprāya rátnam ichati |
9.047.04c yádī marmṛjyáte dhíyaḥ ||
9.047.05a siśāsátū rayīnām vājeśv árvatām iva |
9.047.05c bháreṣu jigyúṣām asi ||

(760)

- 9.048.01a tám tvā nṛmñāni bíbhrataṃ sadhástheṣu mahó diváh |
9.048.01c cāruṃ sukrtyáyemahe ||
9.048.02a sámvṛktadhṛṣṇum ukthyàm mahámahivratam mádam |
9.048.02c śatám púro ruruksānim ||
9.048.03a átas tvā rayím abhí rájānaṃ sukrato diváh |
9.048.03c suparṇó avyathír bharat ||
9.048.04a víśvasmā ít svàr dṛśé sádhāraṇaṃ rajastúram |
9.048.04c gopām ṛtāsya vír bharat ||
9.048.05a ádhā hinváná indriyám jyāyo mahitvám ānaśe |
9.048.05c abhiṣṭikíd vícarṣaṇiḥ ||

(761)

- 9.049.01a pávasva vṛṣṭím ā sú no 'pām ūrmím divás pári |
9.049.01c ayakṣmā bṛhatír íṣaḥ ||
9.049.02a táyā pavaśva dhārayā yáyā gāva ihágáman |
9.049.02c jányāsa úpa no gṛhám ||
9.049.03a ghṛtám pavaśva dhārayā yajñéṣu devavítamaḥ |
9.049.03c asmábhyaṃ vṛṣṭím ā pava ||
9.049.04a śá na ūrjé vy àvyáyam pavítṛaṃ dhāva dhārayā |
9.049.04c devāsaḥ śṛṇávan hí kam ||
9.049.05a pávamāno asiśyadad rákṣāmsy apajánghanat |
9.049.05c pratnavád rocáyan rúcaḥ ||

(762)

- 9.050.01a út te śúṣmāsa īrate síndhor ūrmér iva svanáḥ |
 9.050.01c vāṇásya codayā pavím ||
 9.050.02a prasavé ta úd īrate tistró vāco makhasyúvaḥ |
 9.050.02c yád ávya éṣi sánavi ||
 9.050.03a ávyo vāre pári priyám háriṃ hinvanty ádribhiḥ |
 9.050.03c pávamānam madhuścútam ||
 9.050.04a á pavasva madintama pavítṛaṃ dhārayā kave |
 9.050.04c arkásya yónim āsádam ||
 9.050.05a sá pavasva madintama góbhīr añjānó aktúbhiḥ |
 9.050.05c índav índrāya pītáye ||

(763)

- 9.051.01a ádhvāryo ádribhiḥ sutám sómam pavítṛa á sṛja |
 9.051.01c punīhíndrāya pátave ||
 9.051.02a diváh pīyúṣam uttamám sómam índrāya vajríṇe |
 9.051.02c sunótā mádhumattamam ||
 9.051.03a táva tyá indo ándhaso devá mádhor vy àśnate |
 9.051.03c pávamānasya marútaḥ ||
 9.051.04a tvám hí soma vardháyan sutó mádáya bhūrṇaye |
 9.051.04c víṣan stotāram ūtáye ||
 9.051.05a abhy àrṣa vicakṣaṇa pavítṛaṃ dhārayā sutáḥ |
 9.051.05c abhí vājam utá śrávaḥ ||

(764)

- 9.052.01a pári dyukṣáh sanádrayir bhárad vājam no ándhasā |
 9.052.01c suvānó arṣa pavítṛa á ||
 9.052.02a táva pratnébhir ádhvabhir ávyo vāre pári priyáh |
 9.052.02c sahásradhāro yāt tánā ||
 9.052.03a carúr ná yás tám īnkhayéndo ná dánam īnkhaya |
 9.052.03c vadhaír vadhasnav īnkhaya ||
 9.052.04a ní śúsmam índav eṣām púruhūta jánānām |
 9.052.04c yó asmám ādídeśati ||
 9.052.05a śatám na inda ūtúbhiḥ sahásraṃ vā súcīnām |
 9.052.05c pávasva maṃhayádrayih ||

(765)

- 9.053.01a út te śúsmāso asthū rākṣo bhindánto adrivaḥ |
 9.053.01c nudásva yāḥ parispṛdhaḥ ||
 9.053.02a ayá nijaghnír ójasā rathasamgé dháne hité |
 9.053.02c stávā ábibhyuṣā hṛdá ||
 9.053.03a ásyā vratāni nādhṛṣe pávamānasya dūḍhya |
 9.053.03c rujá yás tvā pṛtanyāti ||

9.053.04a táṃ hinṅanti madacyútaṃ háriṃ nadīṣu vājīnam |
9.053.04c índum índrāya matsarām ||

(766)

9.054.01a asyá pratnām ánu dyútaṃ súkrām duduhre áhrayaḥ |
9.054.01c páyaḥ sahasrasām řṣim ||
9.054.02a ayám súrya ivopadřg ayám sárāṃsi dhāvati |
9.054.02c saptá pravāta ā dívam ||
9.054.03a ayám víśvāni tiṣṭhati punānó bhúvanopári |
9.054.03c sómo devó ná súryaḥ ||
9.054.04a pári ṇo devāvītaye vājāṃ arṣasi gómataḥ |
9.054.04c punāná indav indrayúḥ ||

(767)

9.055.01a yávaṃ-yavaṃ no ándhasā puṣṭám-puṣṭam pári srava |
9.055.01c sóma víśvā ca saúbhagā ||
9.055.02a indo yáthā táva stávo yáthā te jātám ándhasaḥ |
9.055.02c ní barhīṣi priyé sadaḥ ||
9.055.03a utá no govíd ásvavít pávasva somándhasā |
9.055.03c makṣútamebhir áhabhiḥ ||
9.055.04a yó jināti ná jīyate hánti śátrum abhītya |
9.055.04c sá pavasva sahasrajit ||

(768)

9.056.01a pári sóma řtám brhád āsúḥ pavítre arṣati |
9.056.01c vighnán rákṣāṃsi devayúḥ ||
9.056.02a yát sómo vājam árṣati śatám dhārā apasyúvaḥ |
9.056.02c índrasya sakhyám āviśán ||
9.056.03a abhí tvā yóṣaṇo dáśa jārám ná kanyānūṣata |
9.056.03c mřjyāse soma sātāye ||
9.056.04a tvám índrāya víṣṇave svādúr indo pári srava |
9.056.04c nřn stotřn páhy áṃhasaḥ ||

(769)

9.057.01a prá te dhārā asaścáto divó ná yanti vřṣṭáyāḥ |
9.057.01c áchā vājam sahasrīnam ||
9.057.02a abhí priyāni kāvyā víśvā cákṣāṇo arṣati |
9.057.02c háris tuñjáná áyudhā ||
9.057.03a sá marmřjáná áyúbhir íbho rájeva suvratáḥ |
9.057.03c śyenó ná váṃsu řidati ||
9.057.04a sá no víśvā divó vásūtó přthivyā ádhi |

9.057.04c punāná indav á bhara ||

(770)

- 9.058.01a tárat sá mandí dhāvati dhārā sutásyāndhasaḥ |
9.058.01c tárat sá mandí dhāvati ||
9.058.02a usrā veda vásūnām mártasya devy ávasaḥ |
9.058.02c tárat sá mandí dhāvati ||
9.058.03a dhvasráyoḥ puruṣántyor á sahásrāṇi dadmahe |
9.058.03c tárat sá mandí dhāvati ||
9.058.04a á yáyoḥ triṃśátam tánā sahásrāṇi ca dádmahe |
9.058.04c tárat sá mandí dhāvati ||

(771)

- 9.059.01a pávasva gojíd asvájíd viśvajít soma raṇyajít |
9.059.01c prajávad rátnam á bhara ||
9.059.02a pávasvādbhyó ádābhyaḥ pávasvaúśadhībhyaḥ |
9.059.02c pávasva dhiṣāṇābhyaḥ ||
9.059.03a tvám soma pávamāno víśvāni duritā tara |
9.059.03c kavíḥ sīda ní barhíṣi ||
9.059.04a pávamāna svār vido jáyamāno bhavo mahān |
9.059.04c índo víśvāṃ abhíd asi ||

(772)

- 9.060.01a prá gāyatrēna gāyata pávamānaṃ vícarṣaṇim |
9.060.01c índuṃ sahásracakṣasam ||
9.060.02a tám tvā sahásracakṣasam átho sahásrabharṇasam |
9.060.02c áti vāram apāviṣuḥ ||
9.060.03a áti vārān pávamāno asiṣyadat kalásāṃ abhí dhāvati |
9.060.03c índrasya hārdy āviśān ||
9.060.04a índrasya soma rádhase sám pavasva vicarṣaṇe |
9.060.04c prajávad réta á bhara ||

(773)

- 9.061.01a ayá vītí pári srava yás ta indo mádeṣv á |
9.061.01c avāhan navatír náva ||
9.061.02a púraḥ sadyá itthādhiye dívodāsāya sámbaram |
9.061.02c ádha tyám turvásaṃ yádum ||
9.061.03a pári ṇo ásvam asvavíd gómad indo híraṇyavat |
9.061.03c kṣárā sahasrínīr íṣaḥ ||
9.061.04a pávamānasya te vayám pavíttram abhyundatáh |
9.061.04c sakhitvám á vṛṇīmahe ||

- 9.061.05a yé te pavítram ūrmáyo 'bhikṣárantī dhárayā |
9.061.05c tébhir naḥ soma mṛlaya ||
9.061.06a sá naḥ punāná ā bhara rayīm vīrávatīm íṣam |
9.061.06c íśānaḥ soma víśvataḥ ||
9.061.07a etám u tyám dáśa kṣípo mṛjántī síndhumātaram |
9.061.07c sám ādityébhir akhyata ||
9.061.08a sám índreṇotá vāyúnā sutá eti pavítṛa ā |
9.061.08c sám sūryasya raśmībhiḥ ||
9.061.09a sá no bhágāya vāyáve pūṣṇé pavasva mádhumān |
9.061.09c cāṛur mitré váruṇe ca ||
9.061.10a uccá te jātám ándhaso diví ṣád bhūmy ā dade |
9.061.10c ugrám śárma máhi śrávaḥ ||
9.061.11a enā víśvāny aryá ā dyumnāni mānuṣāṇām |
9.061.11c síṣāsanto vanāmahe ||
9.061.12a sá na índrāya yájyave váruṇāya marúdbhyaḥ |
9.061.12c varivovít pári srava ||
9.061.13a úpo ṣú jātám aptúram góbhīr bhaṅgám páriṣkṛtam |
9.061.13c índum devá ayāsiṣuḥ ||
9.061.14a tám íd vardhantu no gíro vatsám saṃśísvarīr iva |
9.061.14c yá índrasya hṛdaṃsāniḥ ||
9.061.15a ársā naḥ soma śám gáve dhuḥśasva pipyúsīm íṣam |
9.061.15c várdhā samudrám ukthyām ||
9.061.16a pávamāno ajījanad divás citrám ná tanyatúm |
9.061.16c jyótīr vaiśvānarám bṛhát ||
9.061.17a pávamānasya te rāso mádo rājann aduchunáh |
9.061.17c ví vāram ávyam arṣati ||
9.061.18a pávamāna rāsas táva dákṣo ví rājati dyumán |
9.061.18c jyótīr víśvam svàr dṛśé ||
9.061.19a yás te mádo váreṇyas tēnā pavasvāndhasā |
9.061.19c devāvīr aghaśamsahā ||
9.061.20a jághnīr vṛtrám amitríyam sásnīr vājam divé-dive |
9.061.20c goṣā u aśvasā asi ||
9.061.21a sámmitlo aruṣó bhava sūpasthābhir ná dhenúbhiḥ |
9.061.21c sídañ chyenó ná yónim ā ||
9.061.22a sá pavasva yá ávithéndram vṛtrāya hántave |
9.061.22c vavrivāṃsam mahīr apáh ||
9.061.23a suvīrāso vayám dhánā jáyema soma mīdhvaḥ |
9.061.23c punāno vardha no gírah ||
9.061.24a tvótāsas távāvasā syāma vanvānta āmúraḥ |
9.061.24c sóma vratēṣu jāgrhi ||
9.061.25a apaghnan pavate mīdhó 'pa sómo árāvnaḥ |
9.061.25c gáchann índrasya niṣkṛtám ||
9.061.26a mahó no rāyá ā bhara pávamāna jahī mīdhaḥ |
9.061.26c rāsvendo vīrávad yāśaḥ ||

- 9.061.27a ná tvā śatam caná hrúto rádho dítsantam á minan |
 9.061.27c yát punāno makhasyāse ||
 9.061.28a pávasvendo vṛṣā sutāḥ kṛdhī no yaśāso jāne |
 9.061.28c víśvā āpa dvīṣo jahi ||
 9.061.29a āsya te sakhyé vayāṃ távendo dyumná uttamé |
 9.061.29c sāsahyāma pṛtanyatāḥ ||
 9.061.30a yā te bhīmāny āyudhā tigmāni sánti dhūrvane |
 9.061.30c rákṣā samasya no nidāḥ ||

(774)

- 9.062.01a eté asṛgram índavas tirāḥ pavíttram āśávaḥ |
 9.062.01c víśvāny abhí saúbhagā ||
 9.062.02a vighnānto duritā purú sugā tokāya vājinaḥ |
 9.062.02c tánā kṛṇvānto árvate ||
 9.062.03a kṛṇvānto várivo gáve 'bhy àṛṣanti suṣṭutím |
 9.062.03c ílām asmábhyaṃ saṃyátam ||
 9.062.04a ásāvy amśúr mādāyāpsú dákṣo giriṣṭhāḥ |
 9.062.04c śyenó ná yónim āsadat ||
 9.062.05a śubhrám ándho devávātam apsú dhūtó nṛbhiḥ sutāḥ |
 9.062.05c svádanti gāvāḥ páyobhiḥ ||
 9.062.06a ád im ásvam ná hétāro 'śūsubhann amṛtāya |
 9.062.06c mādho rāsam sadhamāde ||
 9.062.07a yās te dhārā madhuścútó 'sṛgram inda útāye |
 9.062.07c tábhiḥ pavíttram āsadaḥ ||
 9.062.08a só arṣéndrāya pītāye tiró rómāny avyāyā |
 9.062.08c sídan yonā váneṣv á ||
 9.062.09a tvám indo pári srava svādiṣṭho ángirobhyaḥ |
 9.062.09c varivovíd ghrítam páyaḥ ||
 9.062.10a ayāṃ vícarṣaṇir hitāḥ pávamānaḥ sá cetati |
 9.062.10c hinvánā āpyam bṛhát ||
 9.062.11a eśá vṛṣā vṛṣavrataḥ pávamāno aśastihā |
 9.062.11c kárad vásūni dāsúṣe ||
 9.062.12a á pavasva sahasríṇam rayím gómantam aśvínam |
 9.062.12c puruścandrám puruspṛham ||
 9.062.13a eśá syá pári śicyate marmṛjyámāna āyúbhiḥ |
 9.062.13c urugāyāḥ kavíkratuḥ ||
 9.062.14a sahasrotiḥ śatāmagho vimāno rájasaḥ kavíḥ |
 9.062.14c índrāya pavate mádaḥ ||
 9.062.15a girá jātá ihá stutá índur índrāya dhīyate |
 9.062.15c vír yonā vasatāv iva ||
 9.062.16a pávamānaḥ sutó nṛbhiḥ sómo vājāṃ ivāsarāt |
 9.062.16c camūṣu śákmanāsādām ||
 9.062.17a tám tripṛṣṭhé trivandhuré ráthe yuñjanti yátave |
 9.062.17c ísīnām sapta dhītírbhiḥ ||

- 9.062.18a tāṃ sotāro dhanaspṛtam āsūṃ vājāya yātave |
 9.062.18c hāriṃ hinota vājīnam ||
 9.062.19a āviśān kalāśaṃ sutó víśvā ārṣann abhí śríyaḥ |
 9.062.19c śúro ná góṣu tiṣṭhati ||
 9.062.20a á ta indo mādāya kām páyo duhanty āyávaḥ |
 9.062.20c devā devébhyo mādhu ||
 9.062.21a á naḥ sómam pavíttra á srjātā mádhumattamam |
 9.062.21c devébhyo devaśrúttamam ||
 9.062.22a eté sómā asṛkṣata grṇānāḥ śrāvase mahé |
 9.062.22c madíntamasya dhārayā ||
 9.062.23a abhí gāvyaṇi vītāye nṛmṇā punāno arṣasi |
 9.062.23c sanádvaḥ pári srava ||
 9.062.24a utá no gómatīr iṣo víśvā arṣa pariṣṭúbhaḥ |
 9.062.24c grṇāno jamádagninā ||
 9.062.25a pávasva vācó agriyāḥ sóma citrábhir ūtíbhīḥ |
 9.062.25c abhí víśvāni kāvya ||
 9.062.26a tvāṃ samudríyā apò 'griyó vāca íráyan |
 9.062.26c pávasva vísvamejaya ||
 9.062.27a túbhyemā bhúvanā kave mahimné soma tasthire |
 9.062.27c túbhyam arṣanti síndhavaḥ ||
 9.062.28a prá te divó ná vṛṣṭāyo dhārā yanty asaścātaḥ |
 9.062.28c abhí śukrām upastíram ||
 9.062.29a índrāyéndum punītanogrāṃ dáksāya sādhanam |
 9.062.29c íśānāṃ vītírādhasam ||
 9.062.30a pávamāna ṛtāḥ kavīḥ sómaḥ pavíttram āsadat |
 9.062.30c dádhat stotré suvírīyam ||

(775)

- 9.063.01a á pavasva sahasríṇaṃ rayíṃ soma suvírīyam |
 9.063.01c asmé śrāvāṃsi dhāraya ||
 9.063.02a íṣam ūrjaṃ ca pinvasa índrāya matsaríntamaḥ |
 9.063.02c camūṣv á ní śīdasi ||
 9.063.03a sutá índrāya víṣṇave sómaḥ kalāśe akṣarat |
 9.063.03c mádhumāñ astu vāyáve ||
 9.063.04a eté asṛgram āśávó 'ti hvārāṃsi babhrávaḥ |
 9.063.04c sómā ṛtāsyā dhārayā ||
 9.063.05a índraṃ vārdhanto aptúraḥ kṛṇvānto víśvam áryam |
 9.063.05c apaghnānto árāvṇaḥ ||
 9.063.06a sutá ánu svám á rájo 'bhy àrṣanti babhrávaḥ |
 9.063.06c índraṃ gáchanta índavaḥ ||
 9.063.07a ayā pávasva dhārayā yáyā sūryam árocayaḥ |
 9.063.07c hinvāno mánuṣīr apāḥ ||
 9.063.08a áyukta sūra étaśam pávamāno manāv ádhi |
 9.063.08c antárikṣana vātave ||

- 9.063.09a utá tyā haríto dáśa sūro ayukta yātave |
 9.063.09c índur índra íti bruván ||
 9.063.10a párítō vāyáve sutám gíra índrāya matsarám |
 9.063.10c ávyo vāreṣu siñcata ||
 9.063.11a pávamāna vidā rayím asmábhyaṃ soma duṣṭáram |
 9.063.11c yó dūñāśo vanuṣyatā ||
 9.063.12a abhy àrṣa sahasrīṇaṃ rayīm gómantam aśvínam |
 9.063.12c abhí vājam utá śrávaḥ ||
 9.063.13a sómo devó ná sūryó 'dribhiḥ pavate sutáḥ |
 9.063.13c dádhānaḥ kaláśe rásam ||
 9.063.14a eté dhāmāny áryā súkrā ṛtásya dhārayā |
 9.063.14c vājam gómantam akṣaran ||
 9.063.15a sutā índrāya vajrīṇe sómāso dádhyāśiraḥ |
 9.063.15c pavíttram áty akṣaran ||
 9.063.16a prá soma mádhumattamo rāyé arṣa pavíttra á |
 9.063.16c mádo yó devavítamaḥ ||
 9.063.17a tám ī mrjanty āyávo háriṃ nadīṣu vājínam |
 9.063.17c índum índrāya matsarám ||
 9.063.18a á pavasva híraṇyavad áśvāvat soma vīrávat |
 9.063.18c vājam gómantam á bhara ||
 9.063.19a pári vāje ná vājayúm ávyo vāreṣu siñcata |
 9.063.19c índrāya mádhumattamam ||
 9.063.20a kavím mrjanti márjyaṃ dhībhír víprā avasyávaḥ |
 9.063.20c víṣā kánikrad arṣati ||
 9.063.21a víṣaṇaṃ dhībhír aptúraṃ sómam ṛtásya dhārayā |
 9.063.21c matí víprāḥ sám asvaran ||
 9.063.22a pávasva devāyuṣág índraṃ gachatu te mádaḥ |
 9.063.22c vāyúm á roha dhármaṇā ||
 9.063.23a pávamāna ní tośase rayím soma śravāyyam |
 9.063.23c priyāḥ samudrám á viśa ||
 9.063.24a apaghnán pavase mṛdhaḥ kratuvít soma matsaráḥ |
 9.063.24c nudásvādevayum jánam ||
 9.063.25a pávamānā asṛkṣata sómāḥ súkrāsa índavaḥ |
 9.063.25c abhí vísvāni kāvya ||
 9.063.26a pávamānāsa āśávaḥ śubhrā asrgram índavaḥ |
 9.063.26c ghnánto vísvā ápa dvīṣaḥ ||
 9.063.27a pávamānā divás páry antárikṣād asṛkṣata |
 9.063.27c pṛthivyā ádhi sánavi ||
 9.063.28a punānāḥ soma dhārayéndo vísvā ápa srídhaḥ |
 9.063.28c jahí rákṣāmsi suktrato ||
 9.063.29a apaghnán soma rakṣáso 'bhy àrṣa kánikradat |
 9.063.29c dyumántam súṣmam uttamám ||
 9.063.30a asmé vásūni dhāraya sóma divyāni pārhivā |
 9.063.30c índo vísvāni vāryā ||

(776)

- 9.064.01a vṛṣā soma dyumāñ asi vṛṣā deva vṛṣavrataḥ |
9.064.01c vṛṣā dhārmāṇi dadhiṣe ||
9.064.02a vṛṣṇas te vṛṣṇyaṃ śávo vṛṣā vánaṃ vṛṣā mádaḥ |
9.064.02c satyáṃ vṛṣan vṛṣéd asi ||
9.064.03a áśvo ná cakrado vṛṣā sám gā indo sám árvataḥ |
9.064.03c ví no rāyé dúro vṛdhi ||
9.064.04a ásr̥kṣata prá vājino gavyā sómāso ásvayā |
9.064.04c śukrāso vīrayāśávaḥ ||
9.064.05a śumbhāmānā ṛtāyúbhir mṛjyámānā gābhastyoḥ |
9.064.05c pávante vāre avyāye ||
9.064.06a té víśvā dāśúṣe vásu sómā divyāni pārhivā |
9.064.06c pávantām āntárikṣyā ||
9.064.07a pávamānasya vísvavit prá te sárgā asr̥kṣata |
9.064.07c sūryasyeva ná raśmáyaḥ ||
9.064.08a ketúm kṛṇvān divás pári víśvā rūpābhy àrṣasi |
9.064.08c samudráḥ soma pinvase ||
9.064.09a hinvánó vācam iṣyasi pávamāna vídharmaṇi |
9.064.09c ákrān devó ná sūryaḥ ||
9.064.10a índuḥ paviṣṭa cétanaḥ priyāḥ kavīnām matí |
9.064.10c sr̥jád áśvaṃ rathír iva ||
9.064.11a ūrmír yás te pavíttra á devāvīḥ paryákṣarat |
9.064.11c sídann ṛtásya yónim á ||
9.064.12a sá no arṣa pavíttra á mádo yó devavítamaḥ |
9.064.12c índav índrāya pítāye ||
9.064.13a iṣe pavasva dhārayā mṛjyámāno manīṣibhiḥ |
9.064.13c indo rucābhí gā ihi ||
9.064.14a punāno vārivas kṛdhy ūrjam jánāya girvaṇaḥ |
9.064.14c háre sr̥jāná āśíram ||
9.064.15a punāno devávītaya índrasya yāhi niṣkṛtām |
9.064.15c dyutāno vājibhir yatāḥ ||
9.064.16a prá hinvánāsa índavo 'chā samudrām āśávaḥ |
9.064.16c dhiyā jūtā asr̥kṣata ||
9.064.17a marmr̥jānāsa āyávo vṛthā samudrām índavaḥ |
9.064.17c ágmān ṛtásya yónim á ||
9.064.18a pári ṇo yāhy asmayúr víśvā vásūny ójasā |
9.064.18c páhí naḥ śárma vīrávat ||
9.064.19a mímāti váhnir étaśaḥ padám yujāná ṛkvabhiḥ |
9.064.19c prá yát samudrá áhitaḥ ||
9.064.20a á yád yónim hiraṇyáyam āśúr ṛtásya sídati |
9.064.20c jáhāty ápracetasāḥ ||
9.064.21a abhí venā anūṣatéyakṣanti prácetasāḥ |

- 9.064.21c májjanty ávicetasah ||
 9.064.22a índrāyendo marútvate pávasva mádhumattamaḥ |
 9.064.22c ṛtāsya yónim āsádam ||
 9.064.23a tám tvā víprā vacovídaḥ pári ṣkr̥ṇvanti vedhásah |
 9.064.23c sám tvā mr̥janty āyávaḥ ||
 9.064.24a rásam te mitró aryamá píbanti váruṇah kave |
 9.064.24c pávamānasya marútaḥ ||
 9.064.25a tvám soma vipaścítam punānó vácam iṣyasi |
 9.064.25c índo sahásrabharṇasam ||
 9.064.26a utó sahásrabharṇasam vácam soma makhasyúvam |
 9.064.26c punāná indav á bhara ||
 9.064.27a punāná indav eṣām púruhūta jánānām |
 9.064.27c priyáḥ samudrám á vísa ||
 9.064.28a dávidyutatyā rucā pariṣṭóbhantyā krpā |
 9.064.28c sómāḥ súkrá gávāśiraḥ ||
 9.064.29a hinvánó hetṛbhír yatá á vājam vājy àkramīt |
 9.064.29c sídanto vanúšo yathā ||
 9.064.30a ṛdhák soma svastāye samjagmānó diváḥ kavīḥ |
 9.064.30c pávasva sūryo dṛśé ||

(777)

- 9.065.01a hinvánti sūram úsrayaḥ svásāro jāmáyas pátim |
 9.065.01c mahām índum mahiyúvaḥ ||
 9.065.02a pávamāna rucā-rucā devó devébhyas pári |
 9.065.02c víśvā vásūny á vísa ||
 9.065.03a á pavamāna suṣṭutīm vṛṣṭīm devébhyo dúvaḥ |
 9.065.03c iṣe pavasva samyátam ||
 9.065.04a víṣā hy ási bhānúnā dyumántam tvā havāmahe |
 9.065.04c pávamāna svādhyāḥ ||
 9.065.05a á pavasva suvīryam mándamānaḥ svāyudha |
 9.065.05c ihó ṣv ṇdav á gahi ||
 9.065.06a yád adbhiḥ pariṣicyāse mr̥jyámāno gábhastyoḥ |
 9.065.06c drúṇā sadhástham aśnuṣe ||
 9.065.07a prá sómāya vyaśvavát pávamānāya gāyata |
 9.065.07c mahé sahásracakṣase ||
 9.065.08a yásya várṇam madhuścútam háriḥ hinvánty ádribhiḥ |
 9.065.08c índum índrāya pītāye ||
 9.065.09a tāsya te vājīno vayám víśvā dhánāni jigyúṣaḥ |
 9.065.09c sakhitvám á vṛṇīmahe ||
 9.065.10a víṣā pavasva dhārayā marútvate ca matsaráḥ |
 9.065.10c víśvā dádhāna ójasā ||
 9.065.11a tám tvā dhartāram oṇyòḥ pávamāna swardṛśam |
 9.065.11c hinvé vājeṣu vājīnam ||
 9.065.12a avá cittó vipánāvā háriḥ pavasva dhāravā |

- 9.065.12c yújaṃ vājeṣu codaya ||
 9.065.13a ā na indo mahīm iṣaṃ pávasva viśvadarśataḥ |
 9.065.13c asmábhyaṃ soma gātuvít ||
 9.065.14a ā kalásā anūṣaténdo dhārābhir ójasā |
 9.065.14c éndrasya pītāye viśa ||
 9.065.15a yāsya te mádyam rásam tīvrām duhánty ádrībhiḥ |
 9.065.15c sá pavasvābhimātihā ||
 9.065.16a rájā medhābhir īyate pávamāno manāv ádhi |
 9.065.16c antárikṣeṇa yátave ||
 9.065.17a ā na indo śatagvīnaṃ gávām póṣam svásvyam |
 9.065.17c vāhā bhágattim ūtāye ||
 9.065.18a ā naḥ soma sáho júvo rūpam ná várcase bhara |
 9.065.18c suṣvāṇó devávītaye ||
 9.065.19a árṣā soma dyumáttamo 'bhí dróṇāni róruvat |
 9.065.19c sídañ chyeno ná yónim ā ||
 9.065.20a apsā índrāya vāyāve váruṇāya marúdbhyaḥ |
 9.065.20c sómo arṣati viśṇave ||
 9.065.21a iṣam tokāya no dádhad asmábhyaṃ soma viśvátaḥ |
 9.065.21c ā pavasva sahasrīnam ||
 9.065.22a yé sómāsaḥ parāvāti yé arvāvāti sunviré |
 9.065.22c yé vādāḥ śaryaṇāvati ||
 9.065.23a yá ārjikéṣu kíṭvasu yé mádhye pastyānām |
 9.065.23c yé vā jáneṣu pañcásu ||
 9.065.24a té no vṛṣṭīm divás pári pávantām ā suvīryam |
 9.065.24c suvānā devāsa índavaḥ ||
 9.065.25a pávate haryató hárir grṇāno jamádagninā |
 9.065.25c hinvánó góṛ ádhi tvací ||
 9.065.26a prá śukráso vayojúvo hinvánāso ná sáptayaḥ |
 9.065.26c śrīṇānā apsú mṛñjata ||
 9.065.27a táṃ tvā sutéṣv ābhúvo hinviré devátātaye |
 9.065.27c sá pavasvānāyā rucā ||
 9.065.28a ā te dáksam mayobhúvam váhnim adyā vṛṇīmahe |
 9.065.28c pāntam ā puruspṛham ||
 9.065.29a ā mandrām ā váreṇyam ā vípram ā manīṣīnam |
 9.065.29c pāntam ā puruspṛham ||
 9.065.30a ā rayím ā sucetúnam ā sukrato tanúṣv ā |
 9.065.30c pāntam ā puruspṛham ||

(778)

- 9.066.01a pávasva viśvacarṣaṇe 'bhí viśvāni kāvya |
 9.066.01c sákhā sákhībhya ídyah ||
 9.066.02a tábhyam viśvasya rájasi yé pavamāna dhāmanī |
 9.066.02c praticī soma tasthātuḥ ||

- 9.066.03a pári dhāmāni yāni te tvām somāsi viśvātaḥ |
9.066.03c pávamāna ṛtúbhiḥ kave ||
9.066.04a pávasva janáyann íšo 'bhí víśvāni vāryā |
9.066.04c sákhā sákhībhya ūtáye ||
9.066.05a táva śukráso arcáyo divás pṛṣṭhé ví tanvate |
9.066.05c pavítram soma dhāmabhiḥ ||
9.066.06a távemé saptá síndhavaḥ praśíṣaṃ soma sisrate |
9.066.06c túbhyaṃ dhāvanti dhenávaḥ ||
9.066.07a prá soma yāhi dhārayā sutá índrāya matsaráḥ |
9.066.07c dádhāno ákṣiti śrávaḥ ||
9.066.08a sám u tvā dhībhír asvaran hinvatīḥ saptá jāmáyaḥ |
9.066.08c vípram ājā vivásvataḥ ||
9.066.09a mrjānti tvā sám agrúvó 'vye jīrāv ádhi śváni |
9.066.09c rebhó yád ajyāse váne ||
9.066.10a pávamānasya te kave vājin sárgā asṛkṣata |
9.066.10c árvanto ná śravasyávaḥ ||
9.066.11a áchā kósam madhuścútam ásrgram vāre avyāye |
9.066.11c ávāvasanta dhítayaḥ ||
9.066.12a áchā samudrám índavó 'staṃ gāvo ná dhenávaḥ |
9.066.12c ágmann ṛtásya yónim á ||
9.066.13a prá ṇa indo mahé ráṇa āpo arṣanti síndhavaḥ |
9.066.13c yád góbhīr vāsaiṣyāse ||
9.066.14a áśya te sakhyé vayám íyakṣantas tvótayaḥ |
9.066.14c indo sakhitvám uśmasi ||
9.066.15a á pavasva gáviṣṭaye mahé soma nṛcákṣase |
9.066.15c éndrasya jathāre víśa ||
9.066.16a mahāñ asi soma jyéṣṭha ugrāñām inda ójiṣṭhaḥ |
9.066.16c yúdhvā sāñ chásvaj jigetha ||
9.066.17a yá ugrébhyaś cid ójīyāñ chūrebhyaś cic chūratarah |
9.066.17c bhūridābhyaś cin mámhīyān ||
9.066.18a tvām soma sūra éśas tokásya sātā tanūnām |
9.066.18c vṛñimáhe sakhyāya vṛñimáhe yújyāya ||
9.066.19a ágna āyūṃṣi pavasa á suvórjam íṣaṃ ca naḥ |
9.066.19c āré bādhasva duchúnām ||
9.066.20a agnír řiṣiḥ pávamānaḥ pāñcajanyaḥ puróhitaḥ |
9.066.20c tám īmahe mahāgayám ||
9.066.21a ágne pávasva svápā asmé várcaḥ suvīryam |
9.066.21c dádhad rayím máyi póṣam ||
9.066.22a pávamāno áti srídho 'bhy àrṣati suṣṭutím |
9.066.22c sūro ná víśvadarśataḥ ||
9.066.23a sá marmrjāná āyúbhiḥ práyasvān práyase hitāḥ |
9.066.23c índur átyo vicakṣañāḥ ||
9.066.24a pávamāna ṛtám bṛhác chukráṃ jyótir ajījanat |
9.066.24c kṛṣṇá támāmsi jánghanat ||
9.066.25a návamānasva iáñohnato háreé candrá asṛkṣata |

- 9.066.25a pávamāno vy āśnavad raśmībhir vājasātamaḥ |
 9.066.25c jīrā ajirāsociṣaḥ ||
 9.066.26a pávamāno rathītamaḥ śubhrébhiḥ śubhrásastamaḥ |
 9.066.26c háriścandro marúdganaḥ ||
 9.066.27a pávamāno vy āśnavad raśmībhir vājasātamaḥ |
 9.066.27c dádhat stotré suvīryam ||
 9.066.28a prá suvāná índur akṣāḥ pavítram áty avyáyam |
 9.066.28c punāná índur índram á ||
 9.066.29a eṣá sómo ádhi tvací gávāṃ krīlaty ádribhiḥ |
 9.066.29c índram mādāya jóhuvat ||
 9.066.30a yásya te dyumnávat páyaḥ pávamānābhṛtaṃ diváḥ |
 9.066.30c téna no mṛḷa jīvāse ||

(779)

- 9.067.01a tvāṃ somāsi dhārayúr mandrá ójīṣtho adhvaré |
 9.067.01c pávasva maṃhayádrayih ||
 9.067.02a tvāṃ sutó nṛmādano dadhanvān matsaríntamaḥ |
 9.067.02c índrāya sūrír ándhasā ||
 9.067.03a tvāṃ suṣvāno ádribhir abhy arṣa kánikradat |
 9.067.03c dyumāntaṃ súṣmam uttamám ||
 9.067.04a índur hinvāno arṣati tiró vārāṇy avyáyā |
 9.067.04c hárir vājam acikradat ||
 9.067.05a indo vy ávyam arṣasi ví śrávāṃsi ví saúbhagā |
 9.067.05c ví vājān soma gómataḥ ||
 9.067.06a á na indo śatagvínaṃ rayiṃ gómantam aśvínam |
 9.067.06c bhārā soma sahasrīṇam ||
 9.067.07a pávamānāsa índavas tirāḥ pavítram āśávaḥ |
 9.067.07c índraṃ yāmebhir āsata ||
 9.067.08a kakuhāḥ somyó rāsa índur índrāya pūrvyāḥ |
 9.067.08c āyúḥ pavata āyáve ||
 9.067.09a hinvánti sūram úsrayaḥ pávamānam madhuścútam |
 9.067.09c abhí girá sám asvaran ||
 9.067.10a avitá no ajāśvaḥ pūṣā yāmani-yāmani |
 9.067.10c á bhakṣat kanyāsu naḥ ||
 9.067.11a ayāṃ sómaḥ kapardíne ghr̥tāṃ ná pavate mādhu |
 9.067.11c á bhakṣat kanyāsu naḥ ||
 9.067.12a ayāṃ ta āghr̥ṇe sutó ghr̥tāṃ ná pavate súci |
 9.067.12c á bhakṣat kanyāsu naḥ ||
 9.067.13a vācó jantúḥ kavīnām pávasva soma dhārayā |
 9.067.13c devéṣu ratnadhā asi ||
 9.067.14a á kalāśeṣu dhāvati śyenó vārma ví gāhate |
 9.067.14c abhí dr̥ṇā kánikradat ||
 9.067.15a pári prá soma te rásó 'sarji kalāśe sutāḥ |
 9.067.15c śyenó ná taktó arṣati ||

- 9.067.16a pávasva soma mandáyann índrāya mádhumattamaḥ ||
 9.067.17a ásṛgran devávītaye vājayánto ráthā iva ||
 9.067.18a té sutāso madíntamāḥ súkrā vāyúṃ asṛkṣata ||
 9.067.19a grāvṇā tunnó abhíṣṭutaḥ pavítam soma gachasi |
 9.067.19c dádhat stotré suvīryam ||
 9.067.20a eṣá tunnó abhíṣṭutaḥ pavítam áti gāhate |
 9.067.20c rakṣohá vāram avyáyam ||
 9.067.21a yád ánti yác ca dūraké bhayám vindáti mām ihá |
 9.067.21c pávamāna ví táj jahi ||
 9.067.22a pávamānaḥ só adyá naḥ pavítreṇa vícarṣaṇiḥ |
 9.067.22c yáḥ potā sá punātu naḥ ||
 9.067.23a yát te pavítam arcíṣy ágne vítatam antár ā |
 9.067.23c bráhma téna punīhi naḥ ||
 9.067.24a yát te pavítam arcivád ágne téna punīhi naḥ |
 9.067.24c brahmasavañiḥ punīhi naḥ ||
 9.067.25a ubhábhyāṃ deva savitaḥ pavítreṇa savéna ca |
 9.067.25c mām punīhi viśvátah ||
 9.067.26a tribhíṣ ṭvám deva savitar vārṣiṣṭhaiḥ soma dhāmabhiḥ |
 9.067.26c ágne dákṣaiḥ punīhi naḥ ||
 9.067.27a punántu mām devajanāḥ punántu vásavo dhiyá |
 9.067.27c víśve devāḥ punítá mā játavedaḥ punīhí mā ||
 9.067.28a prá pyāyasva prá syandasva sóma víśvebhir aṃśúbhiḥ |
 9.067.28c devébhya uttamám havīḥ ||
 9.067.29a úpa priyám pánipnataṃ yúvānam āhutivṛdham |
 9.067.29c áganma bíbhrato námah ||
 9.067.30a alāyyasya paraśúr nanāsa tám ā pavasva deva soma |
 9.067.30c ākhúm cid evá deva soma ||
 9.067.31a yáḥ pávamānīr adhyéty řiṣibhiḥ sámabhṛtaṃ rásam |
 9.067.31c sárvaṃ sá pūtám aśnāti svaditám mātariśvanā ||
 9.067.32a pávamānīr yó adhyéty řiṣibhiḥ sámabhṛtaṃ rásam |
 9.067.32c tásmāi sárasvatī duhe kṣīraṃ sarpír mádhūdakám ||

(780)

- 9.068.01a prá devám áchā mádhumanta índavó 'siṣyadanta gāva ā ná dhenávaḥ |
 9.068.01c barhiśádo vacanāvanta údhabhiḥ parisrútam usrívā nirñijaṃ dhire ||
 9.068.02a sá róruvad abhí pūrvā acikradad upārúhaḥ śratháyan svādate háriḥ |
 9.068.02c tiráḥ pavítam pariyánn urú jrāyo ní śáryāṇi dadhate devá ā vāram ||
 9.068.03a ví yó mamé yamyā saṃyatí mádaḥ sākamvṛdhā páyasā pinvad ákṣitā |
 9.068.03c mahí apāré rájasī vivévidad abhivrájann ákṣitam pája ā dade ||
 9.068.04a sá mātārā vicáran vājayann apáḥ prá médhiraḥ svadháyā pinvate padám |
 9.068.04c aṃśúr yávena pipiṣe yató nṛbhiḥ sám jāmíbhīr násate rákṣate síraḥ ||
 9.068.05a sám dákṣeṇa mánasā jāyate kavír řtāsya gárbho níhito yamá paráḥ |
 9.068.05c yūnā ha sántā prathamám ví jajñatur gúhā hitám jánima némam údyatam ||
 9.068.06a mandrásva rúnám vividur manísínah śvenó vád ándho ábharat narāvátah |

- 9.068.06c tám marjayanta suvrdham nadīsv āñ usāntam amśúm pariyāntam ṛgmīyam ||
 9.068.07a tvām mrjanti dása yóṣaṇaḥ sutám sóma řṣibhir matībhir dhītībhir hitám |
 9.068.07c ávyo vārebhir utá deváhūtībhir nřbhir yató vājam ā darṣi sātáye ||
 9.068.08a pariprayāntam vayyāṃ suṣamsádam sómam manīṣā abhy ànūṣata stúbhaḥ |
 9.068.08c yó dhārayā mádhumāñ ūrmīṇā divá řyarti vācam rayiṣā| ámartyaḥ ||
 9.068.09a ayām divá iyarti vísvam ā rájaḥ sómaḥ punānáḥ kaláṣeṣu sīdati |
 9.068.09c adbhír góbhír mrjyate ádrībhiḥ sutáḥ punāná índur vārivo vidat priyám ||
 9.068.10a evá naḥ soma pariṣicyámāno váyo dádhac citrátamam pavasva |
 9.068.10c adveṣe dyāvāpřthiví huvema dévā dhattá rayím asmé suvīram ||

(781)

- 9.069.01a řṣur ná dhánvan práti dhīyate matír vatsó ná mātúr úpa sarjy údhani |
 9.069.01c urúdhāreva duhe ágra āyaty ásyā vratésv ápi sóma řṣyate ||
 9.069.02a úpo matīḥ pçyáte sicyáte mádhu mandrājanī codate antár āsáni |
 9.069.02c pávamānaḥ samtanīḥ praghnatām iva mádhumān drapsāḥ pári vāram arṣati ||
 9.069.03a ávye vadhūyúḥ pavate pári tvacī śrathnīte naptír áditer řtām yaté |
 9.069.03c hárir akrān yajatáḥ samyató mádo nřmñā síśāno mahiśó ná śobhate ||
 9.069.04a ukṣā mimāti práti yanti dhenávo devásya devír úpa yanti niṣkřtám |
 9.069.04c áty akramīd árjunam vāram avyáyam átkam ná niktám pári sómo avyata ||
 9.069.05a ámřktena rúsatā vāsasā hárir ámartyo nirñijānáḥ pári vyata |
 9.069.05c divás přṣthám barhānā nirñije křtopastáranam camvòr nabhasmáyam ||
 9.069.06a sūryasyeva raśmáyo drāvayitnávo matsarāsaḥ prasúpaḥ sākám řrate |
 9.069.06c tántum tatám pári sárgāsa āśávo néndrād řté pavate dhāma kíṃ caná ||
 9.069.07a síndhor iva pravaṇé nimná āśávo vřṣacyutā mádāso gātúm āsata |
 9.069.07c śám no niveśe dvipáde cátuṣpade 'smé vājāḥ soma tiṣṭhantu křṣṭáyāḥ ||
 9.069.08a ā naḥ pavasva vásumad dhíranyavad áśvavad gómad yávamat suvīryam |
 9.069.08c yūyám hí soma pitáro máma sthána divó mūrdhānaḥ prásthitā vayaskřtaḥ ||
 9.069.09a eté sómāḥ pávamānāsa índram ráthā iva prá yayuḥ sātím ácha |
 9.069.09c sutáḥ pavítram áti yanty ávyam hitví vavřim haríto vřṣtím ácha ||
 9.069.10a índav índrāya břhaté pavasva sumřlīkó anavadyó řiśādāḥ |
 9.069.10c bhārā candrāṇi gřnaté vásūni devaír dyāvāpřthiví právatam naḥ ||

(782)

- 9.070.01a trír asmai saptá dhenávo duduhre satyám āsíram pūrvyé vyòmani |
 9.070.01c catvāry anyā bhúvanāni nirñije cārūni cakre yád řtaír ávardhata ||
 9.070.02a sá bhíkṣamāno amřtasya cāruṇa ubhé dyāvā kāvyenā ví śasrathe |
 9.070.02c téjiṣṭhā apó maṃhānā pári vyata yádī devásya śrávasā sádo vidúḥ ||
 9.070.03a té asya santu ketávó 'mřtyavó 'dābhyāso janúṣi ubhé ánu |
 9.070.03c yébhir nřmñā ca devyā ca punatá ád íd rájanam manāná agrbhñata ||
 9.070.04a sá mrjyámāno daśábhiḥ sukármabhiḥ prá madhyamāsu mātřsu pramé sácā |
 9.070.04c vratāni pāno amřtasya cāruṇa ubhé nřcákṣā ánu paśyate vísau ||
 9.070.05a sá marmřjanā indriyāya dhāyasa óbhé antá ródasi harṣate hitáḥ |
 9.070.05c vřcā śúsmāno bhādhate ví durmatír ádédíśānaḥ śarvabhāva śurúdhah ||

- 9.070.05c vṛṣa suṣmēṇa bacnate vi durmatī adedisaṇaḥ saiyaneva surudanaḥ ||
 9.070.06a sá mātārā ná dádr̥śāna usríyo nānadad eti marútām iva svanáḥ |
 9.070.06c jānānṁ ṛtām prathamām yát svāṇṇaram práśastaye kām avṛṇīta sukrátuḥ ||
 9.070.07a ruvāti bhīmó vṛṣabhás taviśyáyā śṛṅge síśāno háriṇī vicakṣaṇáh |
 9.070.07c á yónim̐ sómaḥ súkr̥taṁ ní śīdati gavyáyī tvág bhavati nirṇíg avyáyī ||
 9.070.08a śúciḥ punānás tanvām arepásam ávye hárir ny àdhāviṣṭa sánavi |
 9.070.08c júṣṭo mitrāya váruṇāya vāyāve tridhātu mādhu kriyate sukármabhiḥ ||
 9.070.09a pávasva soma devávītaye vṛśéndrasya hárdi somadhānam á viśa |
 9.070.09c purá no bādhād duritāti pāraya kṣetravíd dhí díśa áhā vipṛchaté ||
 9.070.10a hitó ná sáptir abhí vājam arśéndrasyendo jaṭhāram á pavasva |
 9.070.10c nāvā ná síndhum áti parṣi vidvāñ chúro ná yúdhyan̐ áva no nidá spaḥ ||

(783)

- 9.071.01a á dáksīnā srjyate śuśmy àśadam véti druhó rakṣásah pāti jāgr̥viḥ |
 9.071.01c hárir opaśám̐ kṛṇute nábhas páya upastíre camvòr bráhma nirṇíje ||
 9.071.02a prá kṛṣṭihéva sūśá eti róruvad asuryām̐ várṇam̐ ní riṇīte asya tám |
 9.071.02c jáhāti vavrím̐ pitúr̐ eti niśkr̥tām̐ upaprútam̐ kṛṇute nirṇíjam̐ tánā ||
 9.071.03a ádr̥ibhiḥ sutáh pavate gábhastyor vṛśyáte nábhasā vépate matí |
 9.071.03c sá modate násate sād̥hate girā nenikté apsú yájate párīmaṇi ||
 9.071.04a pári dyukṣám̐ sáhasah parvatāvídham mād̥hvaḥ siñcanti harmyásya saksáṇim̐ |
 9.071.04c á yásmin gāvaḥ suhutáda údhani mūrdhāñ chr̥iṇánty agriyām̐ várīmabhiḥ ||
 9.071.05a sám̐ ī rátham̐ ná bhur̥íjor aheṣata dáśa svásāro áditer upást̥ha á |
 9.071.05c jígād̥ úpa jrayati gór̐ apīcyām̐ padám̐ yád̐ asya matúthā ájījanan ||
 9.071.06a śyenó ná yónim̐ sádanam̐ dhiyá kṛtām̐ hiraṇyáyam̐ āśadam̐ devá éṣati |
 9.071.06c é riṇanti barhíṣi priyām̐ girás̥vo ná devám̐ ápy eti yajñíyah ||
 9.071.07a párā vyákto aruśó diváh kavír̐ vṛśā tripṛṣṭhó anaviṣṭa gā abhí |
 9.071.07c sahásraṇītīr̐ yátih̐ parāyátī rebhó ná pūrvír̐ uśáso ví rājati ||
 9.071.08a tveśám̐ rūpám̐ kṛṇute vár̐no asya sá yátrás̥ayat sám̐r̥tā sédhati sridháh |
 9.071.08c apsá yāti svadháyā daívyam̐ jánam̐ sám̐ suṣṭutí násate sám̐ góagrayā ||
 9.071.09a ukṣéva yūthá̐ pariyan̐ arāvíd̐ ádhi tvíṣīr̐ adhita sūryasya |
 9.071.09c divyáh̐ suparṇó 'va cakṣata kṣám̐ sómaḥ pári krátunā paśyate jāḥ ||

(784)

- 9.072.01a hárim̐ mr̥janty aruśó ná yujyate sám̐ dhenúbhiḥ kaláśe sómo ajyate |
 9.072.01c úd vācam̐ īráyati hinváte matí puruṣtutásya káti cit paripríyah ||
 9.072.02a sākám̐ vadanti bahávo manīṣīṇa índrasya sómam̐ jaṭhāre yád̐ áduhúḥ |
 9.072.02c yádī mr̥jánti sūgabhastayo náraḥ sánílābhir̐ daśábhiḥ kām̐yam̐ mādhu ||
 9.072.03a áramamāṇo áty eti gā abhí sūryasya priyām̐ duhitús̐ tiró rávam̐ |
 9.072.03c án̐v̐ asmai jóśam̐ abharad̐ vinam̐gr̥sáh̐ sám̐ dvayít̥bhiḥ svásr̥bhiḥ kṣeti jāmb̥bhiḥ ||
 9.072.04a níd̥hūto ádr̥iṣuto barhíṣi priyáh̐ pátir̐ gāvām̐ pradíva índur̐ ṛtvíyah |
 9.072.04c púram̐dhivān̐ mánuṣo yajñasád̥hanaḥ śúcir̐ dhiyá pavate sóma indra te ||
 9.072.05a n̥bāhúb̥hyām̐ coditó dhārayā sutó 'nuṣvadhám̐ pavate sóma indra te |
 9.072.05c ápraḥ krátūn̐ sám̐ ajair̐ adhvaré matír̐ vér̐ ná druśác̐ camvòr̐ āsadaḥ dháriḥ ||

- 9.072.06a aṃśúṃ duhanti stanáyantam ákṣitam kavíṃ kaváyo 'páso manīṣíṇaḥ |
 9.072.06c sám ī gāvo matáyo yanti samyáta ṛtásya yónā sádane punarbhúvaḥ ||
 9.072.07a nābhā pṛthivyā dharúṇo mahó divò3 'pām ūrmaú síndhuṣv antár ukṣitáḥ |
 9.072.07c índrasya vājro vṛṣabhó vibhūvasuḥ sómo hṛdé pavate cāru matsaráḥ ||
 9.072.08a sá tú pavasva pári pāṛthivaṃ rája stotré śíkṣann ādhūnvaté ca sukrato |
 9.072.08c má no nír bhāg vásunaḥ sādanaspr̥so rayím piśāngam bahulám vasīmahi ||
 9.072.09a á tú na indo śatádātṽ ásvyaṃ sahásradātu paśumád dhíraṇyavat |
 9.072.09c úpa māsva bṛhatī revatīr iṣó 'dhi stotrásya pavamāna no gahi ||

(785)

- 9.073.01a srákve drapsásya dhámataḥ sám asvarann ṛtásya yónā sám aranta nābhayaḥ |
 9.073.01c trín sá mūrdhnó ásuras̥ cakra ārābhe satyásya návaḥ sukṛtam apīparan ||
 9.073.02a samyák samyāñco mahiṣā aheṣata síndhor ūrmāv ádhi venā avīvipan |
 9.073.02c mádhor dhārābhir janáyanto arkám ít priyám índrasya tanvám avīvṛdhan ||
 9.073.03a pavítavantāḥ pári vācam āsate pitaíṣām pratnó abhí rakṣati vratám |
 9.073.03c maháḥ samudráṃ váruṇas̥ tiró dadhe dhīrā íc chekur dharúṇeṣv ārābham ||
 9.073.04a sahásradhāré 'va té sám asvaran divó náke mádhujihvā asaścátaḥ |
 9.073.04c ásyā spáso ná ní miṣanti bhūrṇayaḥ padé-pade pāsíṇaḥ santi sétavaḥ ||
 9.073.05a pitúr mātúr ádhy á yé samásvarann ṛcā sócantaḥ samdáhanto avratán |
 9.073.05c índradviṣtām ápa dhamanti māyáyā tvācam ásiknīm bhūmano divás pári ||
 9.073.06a pratnān mánād ádhy á yé samásvarañ chlókayantrāso rabhasásya mántavaḥ |
 9.073.06c ápānakṣāso badhirā ahāsata ṛtásya pánthām ná taranti duṣkṛtaḥ ||
 9.073.07a sahásradhāre vítate pavitra á vācam punanti kaváyo manīṣíṇaḥ |
 9.073.07c rudrāsa eṣām iṣirāso adrúha spásāḥ svāñcaḥ sudṛśo nṛcákṣasaḥ ||
 9.073.08a ṛtásya gopā ná dábhāya sukrátus trī śá pavitrā hṛdy àntár á dadhe |
 9.073.08c vidván sá vísvā bhūvanābhí paśyaty ávájūṣtān vidhyati karté avratán ||
 9.073.09a ṛtásya tántur vítataḥ pavitra á jihvāyā ágre váruṇasya māyáyā |
 9.073.09c dhīrās̥ cit tát samínakṣanta āśatātrā kartám áva padāty aprabhuḥ ||

(786)

- 9.074.01a śísur ná jātó 'va cakradad váne svàr yád vājy àruṣáḥ síśāsati |
 9.074.01c divó rétasā sacate payovīdhā tám īmahe sumatī śárma sapráthaḥ ||
 9.074.02a divó yá skambhó dharúṇaḥ svātata ápūrṇo aṃśúḥ paryéti viśvátāḥ |
 9.074.02c sémé mahí ródasī yakṣad āvītā samīcīné dādhāra sám iṣaḥ kavíḥ ||
 9.074.03a máhi psáraḥ súkṛtam somyám mádhūrvī gávyūtir áditer ṛtām yaté |
 9.074.03c íse yó vṛṣtér itá usríyo vṛṣāpām netá yá itáūtir rgmíyaḥ ||
 9.074.04a ātmanván nābho duhyate ghṛtám páya ṛtásya nābhir amṛtam ví jāyate |
 9.074.04c samīcīnāḥ sudánavaḥ pṛṇanti tám náro hitám áva mehanti péravaḥ ||
 9.074.05a árāvīd aṃśúḥ sácamaṇa ūrmīnā devāvyām mánuse pinvati tvācam |
 9.074.05c dádhāti gárbham áditer upástha á yéna tokám ca tánayam ca dhāmahe ||
 9.074.06a sahásradhāré 'va tá asaścátas̥ tr̥tīye santu rájasi prajāvatiḥ |
 9.074.06c cátasro nābho níhitā avó divó havír bharanty amṛtam ghṛtaścútaḥ ||
 9.074.07a śvetám rūpám krnute yát síśāsati sómo mīdhvāṃ ásuvo veda bhūmanah |

- 9.074.07c dhiyá śámī sacate sém abhí pravád divás kávandham áva darṣad udrīṇam ||
 9.074.08a ádha śvetam kalásam góbhīr aktám kārṣmann á vājy àkramīt sasavān |
 9.074.08c á hinvire mánasā devayántaḥ kaksīvate śatāhimāya gónām ||
 9.074.09a adbhīḥ soma paprcānāsya te rásó 'vyo vāram ví pavamāna dhāvati |
 9.074.09c sá mrjyāmānaḥ kavībhīr madintama svádasvéndrāya pavamāna pītāye ||

(787)

- 9.075.01a abhí priyāni pavate cánohito nāmāni yahvó ádhi yéṣu vārdhate |
 9.075.01c á sūryasya bṛható bṛhānn ádhi rátham viśvañcam aruhad vicakṣaṇāḥ ||
 9.075.02a ṛtāsya jihvā pavate mádhu priyám vaktā pátir dhiyó asyá ádābhyaḥ |
 9.075.02c dádhāti putráḥ pitrór apīcyam nāma ṛtīyam ádhi rocané divāḥ ||
 9.075.03a áva dyutānāḥ kalásāṃ acikradan nṛbhīr yemānāḥ kósa á hiranyāye |
 9.075.03c abhīm ṛtāsya dohānā anūṣatādhi triprṣthá uśáso ví rājati ||
 9.075.04a ádribhīḥ sutó matībhīś cánohitaḥ prarocāyan ródasī mātārā súciḥ |
 9.075.04c rómāny ávyā samáyā ví dhāvati mádhor dhārā pínvamānā divé-dive ||
 9.075.05a pári soma prá dhanvā svastāye nṛbhīḥ punāno abhí vāsayāsīram |
 9.075.05c yé te mádá áhanáso víhāyasas tébhīr índram codaya dātave maghám ||

(788)

- 9.076.01a dhartá divāḥ pavate kṛtvyo rásó dákṣo devānām anumādyo nṛbhīḥ |
 9.076.01c háriḥ srjāno átyo ná sátvabhīr vṛthā pájāmsi kṛṇute nadīṣv á ||
 9.076.02a súro ná dhatta áyudhā gābhastyoḥ svāḥ síśāsan rathiró gáviṣṭiṣu |
 9.076.02c índrasya súṣmam īrāyann apasyúbhīr índur hinvāno ajoyate manīśbhiḥ ||
 9.076.03a índrasya soma pávamāna ūrmiṇā taviśyāmāṇo jaṭhāreṣv á vísa |
 9.076.03c prá ṇaḥ pinva vidyúd abhréva ródasī dhiyá ná vājāṃ úpa māsi śásvataḥ ||
 9.076.04a vísvasya rájā pavate svardṛśa ṛtāsya dhītīm ṛṣiśāl avīvaśat |
 9.076.04c yāḥ sūryasyāsireṇa mrjyáte pitá matīnām ásamaṣṭakāvyāḥ ||
 9.076.05a víṣeva yūthá pári kósam arṣasy apām upásthe vṛṣabhāḥ kánikradat |
 9.076.05c sá índrāya pavase matsaríntamo yáthā jéśāma samithé tvótayaḥ ||

(789)

- 9.077.01a eśá prá kóse mádhumāṃ acikradad índrasya vājro vápuṣo vápuṣṭaraḥ |
 9.077.01c abhīm ṛtāsya sudúghā ghrtaścúto vāśrā arṣanti páyaseva dhenávaḥ ||
 9.077.02a sá pūrvyāḥ pavate yām divás pári śyenó mathāyád iṣitás tiró rájaḥ |
 9.077.02c sá mádhva á yuvate vévijāna ít kṛśānor ástur mánasāha bibhyúṣā ||
 9.077.03a té naḥ pūrvāsa úparāsa índavo mahé vājāya dhanvantu gómate |
 9.077.03c ikṣeṇyāso ahyò ná cāravo bráhma-brahma yé jujuśúr havír-haviḥ ||
 9.077.04a ayām no vidvān vanavad vanuṣyatá índuḥ satrácā mánasā puruṣtutāḥ |
 9.077.04c ināsya yāḥ sádane gārbham ādadhé gāvām urubjám abhy árṣati vrajám ||
 9.077.05a cákrir divāḥ pavate kṛtvyo rásó mahāṃ ádabdho váruṇo hurúg yaté |
 9.077.05c ásāvi mitró vṛjāneṣu yajñíyó 'tyo ná yūthé vṛṣayúḥ kánikradat ||

(790)

- 9.078.01a prá rājā vācam janāyann asiṣyadad apó vāsāno abhí gā iyakṣati |
9.078.01c gr̥bhñāti riprām ávir asya tānvā śuddhó devānām úpa yāti niṣkr̥tām ||
9.078.02a índrāya soma pári ṣicyase n̄rbhir n̄rcákṣā ūrmīḥ kavír aiyase váne |
9.078.02c pūrvīr hí te srutāyaḥ sánti yātave sahástram áśvā hárayaś camūśadaḥ ||
9.078.03a samudrīyā apsarāso manīṣīnam áśīnā antár abhí sómam akṣaran |
9.078.03c tá īm hinvanti harmyāsya sakṣāṇim yācante sumnám pávamānam ákṣitam ||
9.078.04a gojín naḥ sómo rathajíd dhiranyajít svarjíd abjít pavate sahasrajít |
9.078.04c yám devāsaś cakriré pītāye mádam svādiṣṭham drapsám aruṇám mayobhúvam ||
9.078.05a etāni soma pávamāno asmayúḥ satyāni kṛṇvān dráviṇāny arṣasi |
9.078.05c jahí sátrum antiké dūraké ca yá urvīm gávyūtim ábhayaṃ ca nas kṛdhi ||

(791)

- 9.079.01a acodáso no dhanvantv índavaḥ prá suvānāso bṛhāddiveṣu hárayaḥ |
9.079.01c ví ca náśan na iṣó árātayo 'ryó naśanta sániṣanta no dhíyaḥ ||
9.079.02a prá ṇo dhanvantv índavo madacyúto dhánā vā yébhír árvato junīmási |
9.079.02c tiró mártasya kásya cit párihvṛtiṃ vayám dhánāni viśvādḥā bharemahi ||
9.079.03a utá svāsya árātyā arír hí śá utānyāsya árātyā v̄rko hí śáh |
9.079.03c dhánvan ná t̄ṣṇā sám arīta tām abhí sóma jahí pavamāna durādhyāḥ ||
9.079.04a diví te nābhā paramó yá ādadé pṛthivyās te ruruḥḥ sánavi kṣípaḥ |
9.079.04c ádrayas tvā bapsati gór ádhi tvacy āpsú tvā hástair duduhur manīṣīṇaḥ ||
9.079.05a evá ta indo subhvām supéśasaṃ rásam tuñjanti prathamā abhiśríyaḥ |
9.079.05c nídam-nidam pavamāna ní tāriṣa āvís te súṣmo bhavatu priyó mádaḥ ||

(792)

- 9.080.01a sómasya dhārā pavate n̄rcákṣasa ṛténa devān havate divás pári |
9.080.01c bṛhaspáte raváthenā ví didyute samudrásō ná sávanāni vivyacuḥ ||
9.080.02a yám tvā vājinn aghnyā abhy ánūṣatáyohataṃ yónim á rohasi dyumán |
9.080.02c maghónām áyuḥ pratirán máhi śráva índrāya soma pavase v̄ṣā mádaḥ ||
9.080.03a éndrasya kukṣā pavate madíntama ūrjam vāsānaḥ śrávase sumangálaḥ |
9.080.03c pratyān sá vísvā bhúvanābhí paprathe kr̥ṭṭan hárir átyaḥ syandate v̄ṣā ||
9.080.04a tám tvā devébhyo mádhumattamaṃ náraḥ sahástradhāraṃ duhate dáśa kṣípaḥ |
9.080.04c n̄rbhiḥ soma prácyuto grāvabhiḥ sutó vísvān devām á pavasvā sahasrajit ||
9.080.05a tám tvā hastíno mádhumantam ádríbhír duhánty āpsú v̄ṣabhám dáśa kṣípaḥ |
9.080.05c índraṃ soma mādāyan daívyam jānam síndhor ivormīḥ pávamāno arṣasi ||

(793)

- 9.081.01a prá sómasya pávamānasyormāya índrasya yanti jaṭhāraṃ supéśasaḥ |
9.081.01c dadhnā yád īm únnitā yaśásā gávām dānāya súram udámandiṣuḥ sutāḥ ||
9.081.02a áchā hí sómaḥ kalásām ásiṣyadad átyo ná vólhā raghúvartanir v̄ṣā |

- 9.081.02c áthā devānām ubháyasya jánmano vidvám̃ asnoty amúta itás ca yát ||
 9.081.03a á naḥ soma pávamānaḥ kirā vásv índo bháva maghávā rádhaso maháh |
 9.081.03c śíkṣā vayodho vásave sú cetúnā má no gáyam āre asmát párā sicaḥ ||
 9.081.04a á naḥ pūṣā pávamānaḥ surátáyo mitró gachantu váruṇaḥ sajóṣasaḥ |
 9.081.04c bṛhaspátir marúto vāyúr asvínā tváṣṭā savitá suyámā sárasvatī ||
 9.081.05a ubhé dyāvāpṛthivī viśvaminvé aryamá devó áditir vidhātá |
 9.081.05c bhágo nṛśámsa urv àntárikṣam víśve deváh pávamānam juṣanta ||

(794)

- 9.082.01a ásāvi sómo aruśó vṛṣā hárī rájeva dasmó abhí gá acikradat |
 9.082.01c punāno vāram páry ety avyáyaṃ śyenó ná yónim ghṛtávantam āsadam ||
 9.082.02a kavír vedhasyá páry eṣi máhinam átyo ná mṛṣtó abhí vājam arṣasi |
 9.082.02c apasédhan duritá soma mṛḷaya ghṛtām vásānaḥ pári yāsi nirñijam ||
 9.082.03a parjányah pitá mahiśasya parñino nábhā pṛthivyá giriṣu kṣáyam dadhe |
 9.082.03c svásāra ápo abhí gá utásaran sám grāvabhir nasate vité adhvaré ||
 9.082.04a jāyéva pátyāv ádhi séva maṃhase pájṛayā garbha śṛṇuhí brávīmi te |
 9.082.04c antár vāñṣu prá carā sú jīvāse 'nindyó vṛjāne soma jāgrhi ||
 9.082.05a yáthā pūrvebhyaḥ śatasā ámrđhraḥ sahasrasāḥ paryáyā vājam indo |
 9.082.05c evā pavasva suvitāya návyase táva vratám ánv āpaḥ sacante ||

(795)

- 9.083.01a pavítṛam te vítatam brahmaṇas pate prabhúr gātrāni páry eṣi viśvátah |
 9.083.01c átaptatanūr ná tát āmó asnute śṛtāsa íd váhantas tát sám āsata ||
 9.083.02a tápoṣ pavítṛam vítatam divás padé śócanto asya tántavo vy àsthiran |
 9.083.02c ávanty asya pavítāram āśávo divás pṛṣṭhám ádhi tiṣṭhanti cetasā ||
 9.083.03a árūrucad uśasaḥ pṛśnir agriyá ukṣá bibharti bhúvanāni vājayúḥ |
 9.083.03c māyāvīno mamire asya māyáyā nṛcákṣasaḥ pitáro gárbham á dadhuḥ ||
 9.083.04a gandharvá itthá padám asya rakṣati pāti devānām jánimāny ádbhutaḥ |
 9.083.04c gr̥bhñāti ripúṃ nidháyā nidhāpatiḥ sukṛttamā mádhuno bhakṣám āsata ||
 9.083.05a havír haviṣmo máhi sádma daívyam nábhō vásānaḥ pári yāsy adhvarám |
 9.083.05c rájā pavítṛaratho vājam áruhaḥ sahasrabhr̥ṣṭir jayasi śrávo bṛhát ||

(796)

- 9.084.01a pávasva devamádano vícarsaṇir apsá índrāya váruṇāya vāyáve |
 9.084.01c kṛdhí no adyá várivah svastimád urukṣitau gr̥ñihi daívyam jánam ||
 9.084.02a á yás tasthaú bhúvanāny ámartyo víśvāni sómaḥ pári tány arṣati |
 9.084.02c kṛṇván samcṛtam vicṛtam abhiṣṭaya índuḥ siṣakty uśasaṃ ná sūryah ||
 9.084.03a á yó góbhiḥ sr̥jyáta óṣadhīṣv á devānām sumná iṣáyann úpāvasuḥ |
 9.084.03c á vidyútā pavate dhārayā sutá índram sómo mādāyan daívyam jánam ||
 9.084.04a eśá syá sómaḥ pavate sahasrajíd dhinvāno vácam iṣirám uṣarbúdham |
 9.084.04c índuḥ samudrám úd iyarti vāyúbhir éndrasya hárdi kaláṣeṣu sídati ||
 9.084.05a abhí tyám gávah páyasā payovṛdham sómam śrīṇanti matíbhiḥ svarvídám |

9.084.05c dhanamjayāḥ pavate kṛtvyo rāso vipraḥ kavīḥ kāvyeṇā svārcanāḥ ||

(797)

- 9.085.01a índrāya soma sūṣutaḥ pári sravāpāmīvā bhavatu rákṣasā sahá |
9.085.01c má te rāsasya matsata dvayāvīno dráviṇasvanta ihá santv índavaḥ ||
9.085.02a asmān samaryé pavamāna codaya dáḁso devānām ási hí priyó mádaḥ |
9.085.02c jahí śátrūm̄r abhy ā bhandanāyatáḥ píbendra sómam áva no m̄rdho jahi ||
9.085.03a ádabdha indo pavase madíntama ātméndrasya bhavasi dhāsír uttamāḥ |
9.085.03c abhí svaranti bahávo manīśiṇo rájānam asyá bhúvanasya niṁsate ||
9.085.04a sahásrañīthaḥ śatádhāro ádbhuta índrāyénduḥ pavate kām̄yam mádhu |
9.085.04c jáyan kṣétram abhy àrṣā jáyann apá urúṁ no gātúṁ kṛṇu soma mīdhvaḥ ||
9.085.05a kánikradat kaláše góbhir ayyase vy àvyáyaṁ samáyā vāram arṣasi |
9.085.05c marmrjyámāno átyo ná sānasír índrasya soma jaṭhāre sám akṣaraḥ ||
9.085.06a svādúḥ pavaśva divyáya jánmane svádúr índrāya suhávītunāmne |
9.085.06c svádúr mitráya váruṇāya vāyáve bṛhaspátaye mádhumām̄m̄ ádābhyah ||
9.085.07a átyam mr̄janti kaláše dáśa kṣípaḥ prá vípraṇām matáyo vāca irate |
9.085.07c pávamānā abhy àrṣanti suṣtútím éndram viśanti madirāsa índavaḥ ||
9.085.08a pávamāno abhy àrṣā suvīryam urvīm gávyūtím máhi śárma sapráthaḥ |
9.085.08c mákir no asyá páriśūtir ísaténdo jáyema tváyā dhānam-dhanam ||
9.085.09a ádhi dyām asthād vṛṣabhó vicakṣaṇo 'rūrucad ví divó rocanā kavīḥ |
9.085.09c rájā pavítram áty eti róruvad divāḥ pīyúṣaṁ duhate nrcákṣasaḥ ||
9.085.10a divó nāke mádhujihvā asaścáto venā duhanty ukṣāṇaṁ giriṣṭhām |
9.085.10c apsú drapsām vāvṛdhānām samudrá ā síndhor ūrmā mádhumantam pavítra ā ||
9.085.11a nāke suparṇām upapaptivāṁsaṁ gíro venānām akrpanta pūrvīḥ |
9.085.11c śísuṁ rihanti matáyah pánipnataṁ hiraṇyáyaṁ śakunām kṣāmaṇi sthām ||
9.085.12a ūrdhvó gandharvó ádhi nāke asthād vísvā rūpā praticákṣaṇo asya |
9.085.12c bhānūḥ śukreṇa śocíṣā vy ádyaut prārūrucad ródasi mātārā súciḥ ||

(798)

- 9.086.01a prá ta āśávaḥ pavamāna dhījāvo máda arṣanti raghujá iva tmānā |
9.086.01c divyāḥ suparṇā mádhumanta índavo madíntamāsaḥ pári kósam āsate ||
9.086.02a prá te mádāso madirāsa āśávó 'rṣkṣata ráthyāso yátha pṛthak |
9.086.02c dhenúr ná vatsám páyasābhí vajrīṇam índram índavo mádhumanta ūrmáyah ||
9.086.03a átyo ná hiyāno abhí vājam arṣa svarvít kósam divó ádrimātaram |
9.086.03c víṣā pavítre ádhi sāno avyáye sómaḥ punāná indriyáya dháyase ||
9.086.04a prá ta āśvinīḥ pavamāna dhījúvo divyā asrgran páyasā dhārīmaṇi |
9.086.04c prāntár íṣaya sthāvīrīr asrṣkṣata yé tvā mr̄janty rṣiṣāṇa vedhásah ||
9.086.05a vísvā dhāmāni vísvacakṣa íbhvasah prabhós te satáḥ pári yanti ketávaḥ |
9.086.05c vyānaśīḥ pavase soma dhārmabhiḥ pátir vísvasya bhúvanasya rājasi ||
9.086.06a ubhayátaḥ pávamānasya raśmáyo dhruvāsya satáḥ pári yanti ketávaḥ |
9.086.06c yádī pavítre ádhi mr̄jyáte háriḥ sáttā ní yónā kalášeṣu sīdati ||
9.086.07a yajñásya ketúḥ pavate svadhvarāḥ sómo devānām úpa yāti niṣkṛtām |
9.086.07c sahásradhārah pári kósam arsati vṛsā pavítram áty eti róruvat ||

- 9.086.08a rájā samudráṃ nadyò ví gāhate 'pām ūrmīm sacate síndhuṣu śrítāḥ |
- 9.086.08c ádhy asthāt sānu pávamāno avyáyaṃ nābhā pṛthivyā dharúṇo mahó divāḥ ||
- 9.086.09a divó ná sānu stanáyann acikradad dyaús ca yásya pṛthiví ca dhármabhiḥ |
- 9.086.09c índrasya sakhyám pavate vivévidat sómaḥ punānāḥ kaláśeṣu sīdati ||
- 9.086.10a jyótir yajñásya pavate mádhu priyám pitá devānāṃ janitá vibhūvasuḥ |
- 9.086.10c dádhāti rátnaṃ svadháyor apīcyām madíntamo matsará indriyó rásah ||
- 9.086.11a abhikrándan kalásam vājy arṣati pátir divāḥ śatádhāro vicakṣaṇāḥ |
- 9.086.11c hárir mitrásya sádaneṣu sīdati marmrjānó 'vibhiḥ síndhubhir vṛṣā ||
- 9.086.12a ágre síndhūnām pávamāno arṣaty ágre vácó agriyó góṣu gachati |
- 9.086.12c ágre vājasya bhajate mahāadhanām svāyudhāḥ sotṛbhiḥ pūyate vṛṣā ||
- 9.086.13a ayám matávāñ chakunó yáthā hitó 'vye sasāra pávamāna ūrmīṇā |
- 9.086.13c táva krátvā ródasī antarā kave súcir dhiyá pavate sóma indra te ||
- 9.086.14a drāpīm vásāno yajató divispṛśam antarikṣaprā bhúvaneṣv árpitaḥ |
- 9.086.14c svār jajñānó nábhasābhy àkramīt pratnám asya pitáram ā vivāsati ||
- 9.086.15a só asya viśé máhi sárma yachati yó asya dhāma prathamám vyānaśé |
- 9.086.15c padám yád asya paramé vyòmany áto vísvā abhí sám yāti saṃyátaḥ ||
- 9.086.16a pró ayāsīd índur índrasya niṣkṛtám sákḥā sákhyur ná prá mināti saṃgíram |
- 9.086.16c márya iva yuvatíbhiḥ sám arṣati sómaḥ kaláśe śatáyāmnā pathā ||
- 9.086.17a prá vo dhíyo mandrayúvo vipanyúvaḥ panasyúvaḥ saṃvāsaneṣv akramuḥ |
- 9.086.17c sómam manīṣā abhy ànūṣata stúbho 'bhí dhenávaḥ páyasem aśíśrayuḥ ||
- 9.086.18a ā naḥ soma saṃyátam pipyúṣīm ísam indo pávasva pávamāno asrídham |
- 9.086.18c yá no dóhate trír áhann ásaścuṣī kṣumád vājavan mádhumad suvṛyam ||
- 9.086.19a vṛṣā matīnām pavate vicakṣaṇāḥ sómo áhnaḥ pratarītóśáso divāḥ |
- 9.086.19c krāṇā síndhūnām kalásāṃ avīvaśad índrasya hárdy āviśán manīṣíbhiḥ ||
- 9.086.20a manīṣíbhiḥ pavate pūrvyāḥ kavír nṛbhir yatāḥ pári kósāṃ acikradat |
- 9.086.20c tritásya náma janáyan mádhu kṣarad índrasya vāyóḥ sakhyáya kártave ||
- 9.086.21a ayám punāná usáso ví rocyad ayám síndhubhyo abhavad ulokakṛt |
- 9.086.21c ayám tríḥ saptá duduhāná āsírām sómo hṛdé pavate cāru matsaráḥ ||
- 9.086.22a pávasva soma divyéṣu dhāmasu srjāná indo kaláśe pavíttra ā |
- 9.086.22c sídann índrasya jathāre kánikradan nṛbhir yatāḥ sūryam árohayo diví ||
- 9.086.23a ádribhiḥ sutāḥ pavase pavíttra āñ índav índrasya jathāreṣv āviśán |
- 9.086.23c tvām nṛcákṣā abhavo vicakṣaṇa sóma gotráṃ ángirobhyo 'vṛṇor ápa ||
- 9.086.24a tvām soma pávamānaṃ svādhyó 'nu víprāso amadann avasyávaḥ |
- 9.086.24c tvām suparnā ábharad divás páríndo vísvābhir matíbhiḥ páriṣkṛtam ||
- 9.086.25a ávye punānám pári vāra ūrmīṇā hárīm navante abhí saptá dhenávaḥ |
- 9.086.25c apām upásthe ádhy āyávaḥ kavím ṛtásya yónā mahiṣā aheṣata ||
- 9.086.26a índuḥ punānó áti gāhate mīrdho vísvāni kṛṇván supáthāni yájyave |
- 9.086.26c gāḥ kṛṇvānó nirñíjam haryatāḥ kavír átyo ná krīlan pári vāram arṣati ||
- 9.086.27a asaścátaḥ śatádhārā abhiśríyo hárīm navanté 'va tá udanyúvaḥ |
- 9.086.27c kṣípo mrjanti pári góbhír ávṛtam tṛtíye pṛṣthé ádhi rocané divāḥ ||
- 9.086.28a távemāḥ prajā divyásya rétasas tvām vísvasya bhúvanasya rájasi |
- 9.086.28c áthedám vísvam pavamāna te váśe tvām indo prathamó dhāmadhá asi ||
- 9.086.29a tvām samudró asi vísvavít kave távemāḥ páñca pradíśo vídharmani |
- 9.086.29c tvām dyám ca pṛthivím cáti jabhriṣe táva jyótīmṣi pavamāna sūryaḥ ||

- 9.086.30a tvám pavítre rájaso vídharmaṇi devébhyaḥ soma pavamāna pūyase |
9.086.30c tvám usíjaḥ prathamā agr̥bhñata túbhyemā vísvā bhúvanāni yemire ||
9.086.31a prá rebhá ety áti vāram avyáyaṃ vṛṣā váneṣv áva cakradad dháriḥ |
9.086.31c sám dhītáyo vāvaśānā anūṣata śísuṃ rihanti matáyaḥ pánipnatam ||
9.086.32a sá sūryasya raśmíbhiḥ pári vyata tántuṃ tanvānás trivṛtaṃ yáthā vidé |
9.086.32c náyann ṛtásya praśíṣo návīyasīḥ pátir jánīnām úpa yāti niṣkṛtām ||
9.086.33a rájā síndhūnām pavate pátir divá ṛtásya yāti pathíbhiḥ kánikradat |
9.086.33c sahásradhārah pári śicyate háriḥ punāno vācam janáyann upāvasuḥ ||
9.086.34a pávamāna máhy ar̥ṇo ví dhāvasi sūro ná citró ávyayāni pávyayā |
9.086.34c gábhastipūto nṛbhir ádribhiḥ sutó mahé vājāya dhányāya dhanvasi ||
9.086.35a íṣam ūrjam pavamānābhy ar̥ṣasi śyenó ná vámsu kaláśeṣu sīdasi |
9.086.35c índrāya mádvā mádyo mádaḥ sutó divó viṣṭambhá upamó vicakṣaṇáh ||
9.086.36a saptá svāsāro abhí mātārah śísuṃ návam jajñānām jényam vipaścítam |
9.086.36c apām gandharvām divyām nṛcákṣasam sómam vísvasya bhúvanasya rájāse ||
9.086.37a íśāná imā bhúvanāni víyase yujāná indo harítaḥ suparṇyàḥ |
9.086.37c tās te kṣarantu mádhumad ghṛtām páyas táva vraté soma tiṣṭhantu kṛṣṭáyah ||
9.086.38a tvám nṛcákṣā asi soma vísvataḥ pávamāna vṛṣabha tá ví dhāvasi |
9.086.38c sá naḥ pavasva vāsumad dhíraṇyavad vayām syāma bhúvaneṣu jīvāse ||
9.086.39a govít pavasva vasuvíd dhiraṇyavíd retodhá indo bhúvaneṣv árpitaḥ |
9.086.39c tvám suvīro asi soma vísvavít tam tvā víprā úpa girémā āsate ||
9.086.40a ún mádhva ūrmír vanānā atiṣṭhipad apó vásāno mahiṣó ví gāhate |
9.086.40c rájā pavítraratho vājā áruhat sahásrabhṛṣṭir jayati śrávo bṛhát ||
9.086.41a sá bhandāná úd iyarti prajāvatīr vísvāyur vísvāḥ subhārā áhardivi |
9.086.41c bráhma prajāvad rayím ásvapastyam pītá indav índram asmábhyaṃ yācatāt ||
9.086.42a só ágre áhnām hárir haryató mádaḥ prá cétasā cetayate ánu dyúbhiḥ |
9.086.42c dvā jánā yātáyann antár iyate nārā ca sámśam daívyaṃ ca dhartāri ||
9.086.43a añjáte vy añjate sám añjate krátuṃ rihanti mádhunābhy añjate |
9.086.43c síndhor ucchvāsé patáyantam ukṣānaṃ hiranyapāvāḥ paśúm āsu gr̥bhñate ||
9.086.44a vipaścíte pávamānāya gāyata mahí ná dhárāty ándho ar̥ṣati |
9.086.44c áhir ná jūrñām áti sarpati tvācam átyo ná krīlann asarad vṛṣā háriḥ ||
9.086.45a agregó rájāpyas taviṣyate vimāno áhnām bhúvaneṣv árpitaḥ |
9.086.45c hárir ghṛtásnuḥ sudṛśīko ar̥navó jyotīrathaḥ pavate rāyá okyàḥ ||
9.086.46a ásarji skambhó divá údyato mádaḥ pári tridhātur bhúvanāny ar̥ṣati |
9.086.46c amśúm rihanti matáyaḥ pánipnatam girá yádi nirñjam rgmīṇo yayúḥ ||
9.086.47a prá te dhārā áty añvāni meṣyàḥ punānāsya samyáto yanti ráṃhayaḥ |
9.086.47c yád góbhír indo camvòḥ samajyāsa á suvānāḥ soma kaláśeṣu sīdasi ||
9.086.48a pávasva soma kratuvín na ukthyó 'vyo vāre pári dhāva mádhu priyám |
9.086.48c jahí vísvān rakṣāsa indo atrīṇo bṛhád vadema vidáthe suvīrāḥ ||

(799)

- 9.087.01a prá tú drava pári kósam ní śīda nṛbhiḥ punāno abhí vājā ar̥ṣa |
9.087.01c ásvam ná tvā vājīnam marjáyantó 'chā barhí raśanābhir nayanti ||
9.087.02a svāyudháḥ pavate devá índur aśastihá vṛjānaṃ rákṣamāṇaḥ |
9.087.02c pitá devānām ianítá sudákso vistambhó divó dharúnah or̥thivvāḥ ||

- 9.087.03a íṣir vípraḥ puraetá jánānām ṛbhúr dhīra uśānā kāvyena |
 9.087.03c sá cid viveda níhitam yád āsām apīcyam gúhyam náma gónam ||
 9.087.04a eṣá syá te mádhumāñ indra sómo víṣā víṣṇe pári pavítre akṣāḥ |
 9.087.04c sahasrasāḥ śatasā bhūridāvā śasvattamám barhír ā vājy àsthāt ||
 9.087.05a eté sómā abhí gavyā sahásrā mahé vājyāmítāya śrávāmsi |
 9.087.05c pavítrebhiḥ pávamānā asṛgrañ chravasyávo ná pṛtanājo átyāḥ ||
 9.087.06a pári hí śmā puruhútó jánānām vísvāsarad bhójanā pūyámānaḥ |
 9.087.06c áthā bhara śyenabhṛta práyāmsi rayim túñjāno abhí vājam arṣa ||
 9.087.07a eṣá suvānáḥ pári sómaḥ pavítre sárgo ná sṛṣtó adadhāvad árvā |
 9.087.07c tigmé śísāno mahiṣó ná śṛnge gá gavyānn abhí śūro ná sátvā ||
 9.087.08a eṣā yayau paramād antár ádreḥ kūcit satír ūrvé gá viveda |
 9.087.08c divó ná vidyút stanáyanty abhraḥ sómasya te pavata indra dhāra ||
 9.087.09a utá sma rāsím pári yāsi gónam índreṇa soma sarátham punānáḥ |
 9.087.09c pūrvír iṣo bṛhatír jīradāno śíkṣā śacīvas táva tá upaṣtút ||

(800)

- 9.088.01a ayám sóma indra túbhyam sunve túbhyam pavate tvám asya páhi |
 9.088.01c tvám ha yám cakṛsé tvám vavṛṣá índum mádāya yújyāya sómam ||
 9.088.02a sá im rátho ná bhuriṣāl ayoji maháḥ purūṇi sātāye vásūni |
 9.088.02c ád im vísvā nahuṣyāñi jātā svāṛṣātā vána ūrdhvā navanta ||
 9.088.03a vāyúr ná yó niyútvāñ iṣtáyāmā násatyeva háva ā śámbhaviṣṭhaḥ |
 9.088.03c vísvāvāro draviṇodá iva tmán pūṣéva dhījávano 'si soma ||
 9.088.04a índro ná yó mahá kármāni cákrir hantá vṛtrāṇām asi soma pūrbhít |
 9.088.04c paidvó ná hí tvám áhināmnām hantá vísvasyāsi soma dásyoh ||
 9.088.05a agnír ná yó vána ā srjyāmāno vṛthā pájāmsi kṛṇute nadīṣu |
 9.088.05c jáno ná yúdhvā mahatá upabdír íyarti sómaḥ pávamāna ūrmím ||
 9.088.06a eté sómā áti vārāny ávyā divyā ná kósāso abhrávarṣāḥ |
 9.088.06c vṛthā samudrām síndhavo ná nícīḥ sutāso abhí kalásāñ asṛgran ||
 9.088.07a śuṣmí śárdho ná márutam pavasvānabhiśastā divyā yáthā vít |
 9.088.07c ápo ná makṣú sumatír bhavā naḥ sahásrāpsāḥ pṛtanāṣāñ ná yajñāḥ ||
 9.088.08a rájño nú te váruṇasya vratāni bṛhád gabhírām táva soma dhāma |
 9.088.08c súciṣ tvám asi priyó ná mitró dakṣāyayo aryamévāsi soma ||

(801)

- 9.089.01a pró syá váhniḥ pathyābhír asyān divó ná vṛṣtīḥ pávamāno akṣāḥ |
 9.089.01c sahásradhāro asadan ny àsmé mātúr upásthe vána ā ca sómaḥ ||
 9.089.02a rájā síndhūnām avasiṣta vāsa ṛtāsya nāvam áruhad rájiṣṭhām |
 9.089.02c apsú drapsó vāvṛdhe śyenájūto duhá im pitá duhá im pitúr jám ||
 9.089.03a simhām nasanta mádhvo ayāsam hárim aruṣām divó asyá pátim |
 9.089.03c śūro yutsú prathamáḥ pṛchate gá ásyā cákṣasā pári pāty ukṣā ||
 9.089.04a mádhupṛṣṭham ghorám ayāsam ásvam ráthe yuñjanty urucakrá ṛṣvám |
 9.089.04c svāsāra im jāmayo marjayanti sánābhayo vājīnam ūrjayanti ||

- 9.089.05a cátasra īṃ ghr̥tadúhaḥ sacante samāné antár dharúṇe níṣattāḥ |
 9.089.05c tá īṃ arṣanti námasā punānās tá īṃ víśvátaḥ pári ṣanti pūrvīḥ ||
 9.089.06a viṣṭambhó divó dharúṇaḥ pṛthivyā víśvā utá kṣítayo háste asya |
 9.089.06c ásat ta útso gr̥ṇaté niyútvan mádhvo aṃsúḥ pavata indriyāya ||
 9.089.07a vanvān āvāto abhí devāvītim índrāya soma vṛtrahá pavasva |
 9.089.07c śagdhí maháḥ puruścandrāsya rāyāḥ suvīryasya pátayaḥ syāma ||

(802)

- 9.090.01a prá hinvāno janitā ródasyo rátho ná vājaṃ saniṣyān ayāsīt |
 9.090.01c índraṃ gáchann āyudhā saṃśísāno víśvā vásu hástayor ādádhanāḥ ||
 9.090.02a abhí tripr̥sthám vṛṣaṇaṃ vayodhām āngūṣāṇām avāvasanta vāñīḥ |
 9.090.02c vānā vásāno váruṇo ná síndhūn ví ratnadhá dayate vāryāṇi ||
 9.090.03a śúrāgrāmaḥ sárvaṅvīraḥ sáhāvāñ jétā pavasva sánitā dhánāni |
 9.090.03c tigṃmāyudhaḥ kṣiprādhanvā samátsv áṣāḥhaḥ sāhvān pṛtanāsu śátrūn ||
 9.090.04a urúgavyūtir ábhayāni kṛṇvān samīcīné á pavasvā púramdhī |
 9.090.04c apāḥ síṣāsann uśásaḥ svār gāḥ sám cikrado mahó asmábhyaṃ vājān ||
 9.090.05a mátsi soma váruṇam mátsi mitráṃ mátsíndram indo pavamāna víṣṇum |
 9.090.05c mátsi śárdho mārutam mátsi devān mátsi mahām índram indo mādāya ||
 9.090.06a evā rájeva krátumāñ ámena víśvā ghánighnad duritá pavasva |
 9.090.06c indo súktāya vácasa váyo dhā yūyám pāta svastíbhiḥ sádā naḥ ||

(803)

- 9.091.01a ásarji vákva ráthye yáthajau dhiyá manótā prathamó manīṣī |
 9.091.01c dása svásāro ádhi sāno ávyé 'janti váhniṃ sádanāny ácha ||
 9.091.02a vītí jánasya divyāsya kavyaír ádhi suvāno nahuṣyābhir índuḥ |
 9.091.02c prá yó nṛbhir amṛto mártiebhir marmṛjāno 'vibhir góbhir adbhīḥ ||
 9.091.03a víṣā víṣṇe róruvad aṃsúr asmaí pávamāno rúsad írte páyo góḥ |
 9.091.03c sahásram íkvā pathíbhir vacovíd adhvasmábhiḥ sūro áṇvaṃ ví yāti ||
 9.091.04a rujá dṛḥhá cid rakṣásaḥ sádāmsi punāná inda ūrṇuhi ví vājān |
 9.091.04c vṛścópáriṣṭāt tujatá vadhéna yé ánti dūrád upanāyám eṣām ||
 9.091.05a sá pratnavān návyase vísvavāra súktāya patháḥ kṛṇuhi prácaḥ |
 9.091.05c yé duḥśáhāso vanúṣā bṛhántas tām̐s te aśyāma purukṛt purukṣo ||
 9.091.06a evā punāno apāḥ svār gā asmábhyaṃ toká tánayāni bhūri |
 9.091.06c sám naḥ kṣétram urú jyótīṃṣi soma jyón naḥ sūryaṃ dṛśāye rirīhi ||

(804)

- 9.092.01a pári suvāno hárir aṃsúḥ pavítre rátho ná sarji sanāye hiyānáḥ |
 9.092.01c ápac chlókam indriyám pūyāmānaḥ práti devāñ̐ ajuṣata práyobhiḥ ||
 9.092.02a áchā nṛcákṣā asarat pavítre nāma dádhanāḥ kavír asya yónau |
 9.092.02c sídan hóteva sádane camūṣūpem agmann ṛṣayaḥ saptá víprāḥ ||
 9.092.03a prá sumedhá gātuvíd víśvádevaḥ sómaḥ punānáḥ sáda eti nítyam |
 9.092.03c bhúvad víśveṣu kāvyeṣu rántānu jánān yatate páñca dhíraḥ ||

- 9.092.04a táva tyé soma pavamāna niṇyé víśve devās tráya ekādaśāsah |
 9.092.04c dáśa svadhābhir ádhi sāno ávye mṛjānti tvā nadyāḥ saptá yahvīḥ ||
 9.092.05a tán nú satyám pávamānasyāstu yátra víśve kāravaḥ saṃnāsanta |
 9.092.05c jyótir yád áhne ákr̥ṇod ulokám právan mánuṃ dásyave kar abhīkam ||
 9.092.06a pári sádmeva paśumānti hótā rājā ná satyāḥ sámītūr iyānāḥ |
 9.092.06c sómaḥ punānāḥ kalásāṃ ayāsīt sídan mṛgó ná mahiśó váneṣu ||

(805)

- 9.093.01a sākamūkṣo marjayanta svāsāro dáśa dhīrasya dhītáyo dhánutrīḥ |
 9.093.01c háriḥ páry adravaj jáḥ sūryasya drōṇaṃ nanakṣe átyo ná vājī ||
 9.093.02a sám mātṛbhir ná śísur vāvaśāno vṛṣā dadhanve puruvāro adbhīḥ |
 9.093.02c máryo ná yóṣām abhí niṣkr̥tām yán sám gachate kalása usríyābhiḥ ||
 9.093.03a utá prá pipya ūdhar ághnyāyā índur dhārābhiḥ sacate sumedhāḥ |
 9.093.03c mūrdhānaṃ gāvaḥ páyasā camūṣv abhí śrīṇanti vásubhir ná niktaīḥ ||
 9.093.04a sá no devébhiḥ pavamāna radéndo rayím aśvīnaṃ vāvaśānāḥ |
 9.093.04c rathirāyātām usatī púramdhir asmadryāg á dāvāne vásūnām ||
 9.093.05a nú no rayím úpa māsva nṛvāntam punāno vātāpyaṃ viśváścandram |
 9.093.05c prá vanditūr indo tāry āyuh prātár makṣū dhiyāvasur jagamyāt ||

(806)

- 9.094.01a ádhi yád asmin vājínīva śúbha spárdhante dhíyaḥ sūrye ná víśah |
 9.094.01c apó vṛṇānāḥ pavate kavīyán vrajám ná paśuvárdhanāya mánma ||
 9.094.02a dvitá vyūrṇvānn amṛtasya dhāma svarvīde bhúvanāni prathanta |
 9.094.02c dhíyaḥ pinvānāḥ svásare ná gāva r̥tāyāntīr abhí vāvaśra índum ||
 9.094.03a pári yát kavīḥ kāvya bhárate śúro ná rátho bhúvanāni vísvā |
 9.094.03c devéṣu yáśo mártāya bhūṣan dáksāya rāyāḥ purubhūṣu návyah ||
 9.094.04a śriyé jātāḥ śriyá á nír iyāya śríyaṃ váyo jaritṛbhyo dadhāti |
 9.094.04c śríyaṃ vásānā amṛtatvám āyan bhāvanti satyá samithá mitádrau ||
 9.094.05a íṣam ūrjam abhy àrṣāśvaṃ gām urú jyótiḥ kṛṇuhi mátsi devān |
 9.094.05c víśvāni hí suśāhā tāni túbhyaṃ pávamāna bādhasē soma śátrūn ||

(807)

- 9.095.01a kánikranti hárir á srjyámānaḥ sídan vānasya jaṭháre punānāḥ |
 9.095.01c nṛbhir yatāḥ kṛṇute nirñíjam gā áto matīr janayata svadhābhiḥ ||
 9.095.02a háriḥ srjānāḥ pathyāṃ r̥tásyeyarti vácam aritéva nāvam |
 9.095.02c devó devānām gúhyāni nāmāviṣ kṛṇoti barhīṣi pravāce ||
 9.095.03a apām ivéd ūrmāyas tárturānāḥ prá manīṣā irate sómam ácha |
 9.095.03c namasyāntīr úpa ca yānti sám cá ca viśanty usatīr usántam ||
 9.095.04a tám marmṛjānām mahiśāṃ ná sānāv aṃśúṃ duhanty ukṣāṇaṃ giriṣṭhām |
 9.095.04c tám vāvaśānām matāyaḥ sacante tritó bibharti váruṇaṃ samudré ||
 9.095.05a íṣyan vácam upavaktéva hótuh punāná indo ví śyā manīṣām |

9.095.05c índraś ca yát kṣáyathaḥ saúbhagaýa suvírýasya pátayaha syāma ||

(808)

- 9.096.01a prá senānīḥ śúro ágre ráthānāṃ gavyānn eti hářate asya sénā |
9.096.01c bhadrán kṛṇvānn indrahavān sákhibhya á sómo vástrā rabhasāni datte ||
9.096.02a sám asya háriṃ hárayo mṛjanty ásvahayaír ániśitaṃ námobhiḥ |
9.096.02c á tiṣṭhati rátham índrasya sákha vidvām enā sumatím yāty ácha ||
9.096.03a sá no deva devátāte pavasva mahé soma psárasa indrapānaḥ |
9.096.03c kṛṇvānn apó varśáyan dyām utémām urór á no varivasyā punānaḥ ||
9.096.04a ájítayé 'hataye pavasva svastáye sarvátātaye bṛhaté |
9.096.04c tád usanti vísva imé sákhaýas tád ahām vaśmi pavamāna soma ||
9.096.05a sómaḥ pavate janitá matīnām janitá divó janitá pṛthivyāḥ |
9.096.05c janitāgnér janitá sūryasya janiténdrasya janitótá víṣnoḥ ||
9.096.06a brahmá devānām padavīḥ kavīnām řřir víprānām mahiśó mṛgānām |
9.096.06c śyenó gṛdhrānām svádhitir vánānām sómaḥ pavítram áty eti rébhan ||
9.096.07a právīvipad vácá ūrmīm ná síndhur gíraḥ sómaḥ pávamāno manīśāḥ |
9.096.07c antāḥ páśyan vṛjánemāvarāny á tiṣṭhati vṛṣabhó gośu jānán ||
9.096.08a sá matsaráḥ pṛtsú vanvānn ávātaḥ sahářaretā abhí vājam arṣa |
9.096.08c índrāyendo pávamāno manīśy āmśór ūrmīm řraya gā řṣanyán ||
9.096.09a pári priyāḥ kaláše devávāta índrāya sómo rányo mádāya |
9.096.09c sahářradhāraḥ śatāvāja índur vājí ná sáptiḥ sámanā jigāti ||
9.096.10a sá pūrvyó vasuvíj jāyamāno mṛjāno apśú duduhāno ádrau |
9.096.10c abhiśastipā bhúvanasya rájā vidád gātúm bráhmaṇe pūyámānaḥ ||
9.096.11a tváyā hí naḥ pitáraḥ soma pūrve kármāni cakrúḥ pavamāna dhírāḥ |
9.096.11c vanvānn ávātaḥ paridhīm̄r aporṇu vīrébhir ásvair maghāvā bhavā naḥ ||
9.096.12a yáthāpavathā mánave vayodhá amitrahá varivovíd dhavíśmān |
9.096.12c evá pavasva dráviṇaṃ dádhána índre sám tiṣṭha janáyāyudhāni ||
9.096.13a pávasva soma mádhumāñ ṛtāvāpó vásāno ádhi sāno ávye |
9.096.13c áva drónāni ghṛtāvānti sída madíntamo matsará indrapānaḥ ||
9.096.14a vṛṣṭím divāḥ śatádhāraḥ pavasva sahasrasā vājayúr devávītau |
9.096.14c sám síndhubhiḥ kaláše vāvaśānaḥ sám usrýābhiḥ pratírán na áyuh ||
9.096.15a eśá syá sómo matíbhiḥ punāno 'tyo ná vājí táratíd árātīḥ |
9.096.15c páyo ná dugdhām áditer řřirám urv çva gātúḥ suyámo ná vólhā ||
9.096.16a svāyudháḥ sotṛbhiḥ pūyámāno 'bhy arṣa gúhyaṃ cāru náma |
9.096.16c abhí vājam sáptir iva řravasyābhí vāyúm abhí gā deva soma ||
9.096.17a śísuṃ jajñānām haryatām mṛjanti śumbhānti váhnim marúto gaṇéna |
9.096.17c kavír gīrbhiḥ kávyenā kavíḥ sán sómaḥ pavítram áty eti rébhan ||
9.096.18a řřimanā yá řřikṛt svarśāḥ sahářrañīthaḥ padavīḥ kavīnām |
9.096.18c ṛṭṛyaṃ dhāma mahiśāḥ síśāsan sómo virājam ánu rájati řṭúp ||
9.096.19a camūśac chyenaḥ śakunó vibhṛtvā govindúr drapsá áyudhāni bíbhrat |
9.096.19c apām ūrmīm sácamānaḥ samudrām turíyaṃ dhāma mahiśó vivakti ||
9.096.20a máryo ná śubhrás tanvām mṛjāno 'tyo ná řṭvā sanáye dhānānām |
9.096.20c vířeva yūthá pári kósam árřan kánikradac camvòr á viveśa ||
9.096.21a návasvendo návamāno máhobhiḥ kánikradat nári vārānv arsa |

- 9.096.21c krīḷaṅ camvòr ā viśa pūyāmāna índram te rāso madiró mamattu ||
 9.096.22a práśya dhārā br̥hatīr asṛgrann aktó góbhiḥ kalásāṃ ā viveśa |
 9.096.22c sāma kṛṇván sāmānyò vipāścít krándann ety abhí sákhyur ná jāmím ||
 9.096.23a apaghnānn eṣi pavamāna śátrūn priyām ná jāró abhígīta índuḥ |
 9.096.23c sīdan váneṣu śakunó ná pátvā sómaḥ punānáḥ kalásēṣu sáttā ||
 9.096.24a ā te rúcaḥ pávamānasya soma yóṣeva yanti sudúghāḥ sudhārāḥ |
 9.096.24c hárir ānītaḥ puruvāro apsv ácikradat kalásē devayūnām ||

(809)

- 9.097.01a asyá preṣā hemánā pūyāmāno devó devébhiḥ sám apr̥kta rásam |
 9.097.01c sutáḥ pavíttram páry eti rébhan mitéva sádma paśumānti hótā ||
 9.097.02a bhadrá vástrā samanyā vásāno mahán kavír nivácanāni sámśan |
 9.097.02c ā vacyasva camvòḥ pūyāmāno vicakṣaṇó jágrvir devávītau ||
 9.097.03a sám u priyó mr̥jyate sāno ávye yaśástaro yaśásām kṣaíto asmé |
 9.097.03c abhí svāra dhánvā pūyāmāno yūyám pāta svastíbhiḥ sádā naḥ ||
 9.097.04a prá gāyatābhy ārcāma devān sómaḥ hinota mahaté dhánāya |
 9.097.04c svādúḥ pavāte áti vāram ávyam ā sīdāti kalásam devayúr naḥ ||
 9.097.05a índur devānām úpa sakhyám āyān sahásradhāraḥ pavate mādāya |
 9.097.05c nṛbhi stāvāno ánu dhāma pūrvam ágann índram mahaté saúbhagāya ||
 9.097.06a stotré rāyé hárir arṣā punāná índram mádo gachatu te bhārāya |
 9.097.06c devaír yāhi sarátham rādho áchā yūyám pāta svastíbhiḥ sádā naḥ ||
 9.097.07a prá kāvyaḥ usáneva bruvāṇó devó devānām jānimā vivakti |
 9.097.07c máhivrataḥ śúcibandhuḥ pávakāḥ padā varāhó abhy áti rébhan ||
 9.097.08a prá haṃśāsas tṛpalam manyúm áchāmād ástam vṛṣagaṇā ayāsuḥ |
 9.097.08c āngūṣyām pávamānaḥ sákḥāyo durmārṣam sākám prá vadanti vāṇām ||
 9.097.09a sá ramhata urugāyāsya jūtīm vīthā krīḷantam mimate ná gāvāḥ |
 9.097.09c parīṇasām kṛṇute tigmasṛṅgo dívā hárir dádr̥ṣe náktam r̥jráḥ ||
 9.097.10a índur vājí pavate gónyoghā índre sómaḥ sáha ínvan mādāya |
 9.097.10c hánti rákṣo bád̥hate páry árātīr várivaḥ kṛṇván vṛjānasya rájā ||
 9.097.11a ádha dhārāyā mádhvā pṛcānás tiró róma pavate ádr̥idugdhaḥ |
 9.097.11c índur índrasya sakhyám juṣāṇó devó devāsya matsaró mādāya ||
 9.097.12a abhí priyāṇi pavate punāno devó devān svéna rásena pṛñcān |
 9.097.12c índur dhármāṇy ṛtuthā vásāno dáśa kṣípo avyata sāno ávye ||
 9.097.13a vṛṣā sóṇo abhikánikradat gā nadáyann eti pṛthivím utá dyām |
 9.097.13c índrasyeva vagnúr ā ṣṛṇva ājaú pracetáyann arṣati vācam émām ||
 9.097.14a rasāyyaḥ páyasā pínvamāna íráyann eṣi mádhumantam aṃśúm |
 9.097.14c pávamānaḥ samtaním eṣi kṛṇvānn índrāya soma pariṣicyāmānaḥ ||
 9.097.15a evā pavasva madiró mādāyodagrābhāsya namāyan vadhasnāḥ |
 9.097.15c pári várṇam bháramāṇo rúsantam gavyúr no arṣa pári soma siktāḥ ||
 9.097.16a juṣtví na indo supáthā sugāny uraú pavasva várivāmsi kṛṇván |
 9.097.16c ghanéva víṣvag duritāni vighnānn ádhi ṣṇúnā dhanva sāno ávye ||
 9.097.17a vṛṣtīm no arṣa divyām jigatnúm ílavatīm samgáyīm jirádānum |
 9.097.17c stúkeva vītá dhanvā vicinvān bándhūm̐r imām̐ ávarām̐ indo vāyún ||

- 9.097.18a granthīm ná ví śya grathitám punāná rjūṃ ca gātūṃ vṛjinám ca soma |
9.097.18c átyo ná krado hárir ā sṛjānó máryo deva dhanva pastyāvān ||
9.097.19a júṣṭo mādāya devátāta indo pári ṣṇúnā dhanva sāno ávye |
9.097.19c sahásradhāraḥ surabhír ádadbdhaḥ pári srava vājasātau nṛśáhye ||
9.097.20a araśmāno yā 'rathá áyuktā átyāso ná sasṛjānása ājaú |
9.097.20c eté śukráso dhanvanti sómā dévāsas táñ ūpa yātā píbadhyai ||
9.097.21a evá na indo abhí devávītim pári srava nábho árṇas camúṣu |
9.097.21c sómo asmábhyam kāmīyam bṛhántam rayīm dadātu vīrávantam ugrám ||
9.097.22a tákṣad yádī mánaso vénato vāg jyéṣṭhasya vā dhármaṇi kṣór ánīke |
9.097.22c ád īm āyan váram ā vāvaśāná júṣṭam pátiṃ kaláše gāva índum ||
9.097.23a prá dānudó divyó dānupinvá ṛtám ṛtāya pavate sumedhāḥ |
9.097.23c dharmá bhuvad vṛjanyāsyā rājā prá raśmībhir daśábhīr bhāri bhūma ||
9.097.24a pavítrebhiḥ pávamāno nṛcákṣā rājā devānām utá mártīyānām |
9.097.24c dvitā bhuvad rayipátī rayīñām ṛtám bhārat súbhṛtam cārv índuḥ ||
9.097.25a árvañ iva śrávase sātīm áchéndrasya vāyór abhí vītīm arṣa |
9.097.25c sá naḥ sahásrā bṛhatír iṣo dā bhāvā soma draviṇovít punānáḥ ||
9.097.26a devāvīdó naḥ pariṣicyámānāḥ kṣáyam suvīram dhanvantu sómāḥ |
9.097.26c āyajyāvāḥ sumatīm viśvāvārā hótāro ná diviyájo mandrátamāḥ ||
9.097.27a evá deva devátāte pavasva mahé soma psárase devapānaḥ |
9.097.27c mahás cid dhí śmāsi hitāḥ samaryé kṛdhí suṣṭhāné ródasī punānáḥ ||
9.097.28a áśvo nó krado víṣabhir yujānáḥ simhó ná bhīmó mánaso jávīyān |
9.097.28c arvācīnaiḥ pathībhir yé rájiṣṭhā ā pavasva saumanasām na indo ||
9.097.29a śatām dhārā devájātā asṛgran sahásram enāḥ kaváyo mrjanti |
9.097.29c índo sanítam divá ā pavasva puraetāsi maható dhánasya ||
9.097.30a divó ná sárgā asargram áhnām rājā ná mitráam prá mināti dhírah |
9.097.30c pitúr ná putráḥ krátubhir yatāná ā pavasva viśé asyá ájītim ||
9.097.31a prá te dhārā mádhumatír asṛgran vārān yát pūtó atyéśy ávyān |
9.097.31c pávamāna pávase dhāma gónām jajñānáḥ sūryam apinvo arkaíḥ ||
9.097.32a kánikradad ánu pánthām ṛtāsya śukró ví bhāsy amṛtasya dhāma |
9.097.32c sá índrāya pavase matsarāvān hinvāno vācam matībhiḥ kavīnām ||
9.097.33a divyāḥ suparṇó 'va cakṣi soma pínvan dhārāḥ kármaṇā devávītau |
9.097.33c éndo viśa kalásam somadhānam krándann ihi sūryasyópa raśmīm ||
9.097.34a tísro vāca īrayati prá váhnir ṛtāsya dhītīm bráhmaṇo manīśām |
9.097.34c gāvo yanti gópatim pṛchámānāḥ sómam yanti matáyo vāvaśānáḥ ||
9.097.35a sómam gāvo dhenávo vāvaśānáḥ sómam víprā matībhiḥ pṛchámānāḥ |
9.097.35c sómam sutāḥ pūyate ajyámānaḥ sóme arkās triṣṭúbhaḥ sám navante ||
9.097.36a evá naḥ soma pariṣicyámāna ā pavasva pūyámānaḥ svastí |
9.097.36c índram ā viśa bṛhatá ráveṇa vardháyā vācam janáyā púramdhim ||
9.097.37a ā jágrvir vípra ṛtā matīnām sómam punāno asadac camúṣu |
9.097.37c sápati yám mithunāso níkamā adhvaryávo rathirásah suhástāḥ ||
9.097.38a sá punāná ūpa sūre ná dhātóbhé aprā ródasī ví śá āvaḥ |
9.097.38c priyá cid yāsya priyasāsa ūtī sá tú dhānam kārīṇe ná prá yaṃsat ||
9.097.39a sá vardhitá vārdhanaḥ pūyámānaḥ sómo mīdhvāñ abhí no jyótiṣāvīt |
9.097.39c yénā naḥ pūrve pitārah padajñāḥ svarvído abhí gā ádrim uṣṇān ||

- 9.097.40a ákrān samudráḥ prathamé vídharmañ janáyan prajā bhúvanasya rájā |
9.097.40c víṣā pavítre ádhi sāno ávye bṛhát sómo vāvṛdhe suvāná índuḥ ||
9.097.41a mahát tát sómo mahiṣás cakārāpāṃ yád gárbhó 'vṛñīta deván |
9.097.41c ádadhād índre pávamāna ójó 'janayat sūrye jyótir índuḥ ||
9.097.42a mátsi vāyúm iṣṭáye rádhase ca mátsi mitráváruṇā pūyámānaḥ |
9.097.42c mátsi sárdho mārutam mátsi deván mátsi dyāvāpṛthiví deva soma ||
9.097.43a ṛjúḥ pavasva vṛjinásya hantāpāmīvām bādhamāno mīdhaś ca |
9.097.43c abhiśrīṇán páyah páyasābhí gónām índrasya tvám táva vayám sákhāyaḥ ||
9.097.44a mádhvaḥ sūdam pavasva vásva útsaṃ vīrám ca na á pavasvā bhágam ca |
9.097.44c svádasvéndrāya pávamāna indo rayīm ca na á pavasvā samudrāt ||
9.097.45a sómaḥ sutó dhārayātyo ná hítvā síndhur ná nimnám abhí vājy àkṣāḥ |
9.097.45c á yónim ványam asadat punānāḥ sám índur góbhira asarat sám adbhíḥ ||
9.097.46a eṣá syá te pavata indra sómaś camūṣu dhīra usaté távasvān |
9.097.46c svārcakṣā rathiráḥ satyásuṣmaḥ kāmo ná yó devayatām ásarji ||
9.097.47a eṣá pratnéna váyasā punānás tiró várpāṃsi duhitúr dádhanāḥ |
9.097.47c vásānaḥ sárma trivárūtham apsú hóteva yāti sámāneṣu rébhan ||
9.097.48a nú nas tvám rathiró deva soma pári srava camvòḥ pūyámānaḥ |
9.097.48c apsú svádiṣṭho mádhumāñ ṛtāvā devó ná yāḥ savitā satyāmanmā ||
9.097.49a abhí vāyúm vīty àrṣā grṇānò 'bhí mitráváruṇā pūyámānaḥ |
9.097.49c abhí náram dhījāvanam ratheṣṭhām abhíndram vṛṣaṇam vájrabāhum ||
9.097.50a abhí vástrā suvasanāny arṣābhí dhenūḥ sudúghāḥ pūyámānaḥ |
9.097.50c abhí candrá bhártave no híraṇyābhy ásvān rathíno deva soma ||
9.097.51a abhí no arṣa divyā vásūny abhí vísvā párthivā pūyámānaḥ |
9.097.51c abhí yéna dráviṇam aśnāvāmābhy àrṣeyām jamadagniván naḥ ||
9.097.52a ayá pavá pavasvainā vásūni māmścatvá indo sárasi prá dhanva |
9.097.52c bradhnás cid átra vāto ná jūtāḥ purumédhaś cit tákave náram dāt ||
9.097.53a utá na enā pavayā pavasvādhi śruté śravāyyasya tūrthé |
9.097.53c ṣaṣṭīm sahasrā naigutó vásūni vṛkṣām ná pakvām dhūnavad ráṇāya ||
9.097.54a máhīmé asya vṛṣanāma sūśé māmścatve vā pṛśane vā vādhatre |
9.097.54c ásvāpayan nigútaḥ sneháyac cāpāmítrāñ ápacíto acetāḥ ||
9.097.55a sám trí pavítā vítātāny eṣy ánv ékam dhāvasi pūyámānaḥ |
9.097.55c ási bhágo ási dātrāsya dātāsi maghāvā maghāvadbhya indo ||
9.097.56a eṣá vísvavít pavate manīśí sómo vísvasya bhúvanasya rájā |
9.097.56c drapsām íráyan vidátheṣv índur ví váram ávyaṃ samáyāti yāti ||
9.097.57a índum rihanti mahiṣá ádabdhāḥ padé rebhanti kaváyo ná grīdhrāḥ |
9.097.57c hinvánti dhīrā daśābhiḥ kṣípābhiḥ sám añjate rūpām apām rāsena ||
9.097.58a tváyā vayám pávamānena soma bhāre kṛtām ví cinuyāma śásvat |
9.097.58c tán no mitró váruṇo māmahantām áditiḥ síndhuḥ pṛthiví utá dyaúḥ ||

(810)

- 9.098.01a abhí no vājasātamaṃ rayīm arṣa puruṣpṛham |
9.098.01c indo sahasrabharṇasaṃ tuvidyumnám vibhvāsāham ||
9.098.02a pári ṣyá suvāno avyāyam ráthe ná vármāvyata |

- 9.098.02c índur abhí drúṇā hitó hiyānó dhārābhir akṣāḥ ||
 9.098.03a pári śyá suvānó akṣā índur ávye mādacyutaḥ |
 9.098.03c dhārā yá ūrdhvó adhvaré bhrājā naíti gavyayúḥ ||
 9.098.04a sá hí tvam̐ deva śásvate vásu mártaya dāsúṣe |
 9.098.04c índo sahasrīṇam̐ rayim̐ śatātmanam̐ vivāsasi ||
 9.098.05a vayám te asyá vṛtrahan váso vásvaḥ puruspr̥haḥ |
 9.098.05c ní nédiṣṭhatamā iṣáḥ syāma sumnāsyādhriḡo ||
 9.098.06a dvír yám pāñca sváyaśasaṃ svāsāro ádrisaṃhatam |
 9.098.06c priyám índrasya kām̐yam̐ prasnāpáyanty ūrmīṇam̐ ||
 9.098.07a pári tyám̐ haryatám̐ hárim̐ babhrúm̐ punanti vāreṇa |
 9.098.07c yó devān̐ vísvām̐ ít pári mádena sahá gáchati ||
 9.098.08a asyá vo hy ávasā pānto dakṣasádhanam |
 9.098.08c yáḥ sūrīṣu śrávo br̥hád dadhé svār ṇá haryatáḥ ||
 9.098.09a sá vām̐ yajñéṣu mānavī índur janiṣṭa rodasī |
 9.098.09c devó devī giriṣṭhá áśredhan tám̐ tuviṣváni ||
 9.098.10a índrāya soma pátave vṛtraghné pári śicyase |
 9.098.10c náre ca dáksīṇāvate devāya sadanāsáde ||
 9.098.11a té pratnāso vyóṣṭīṣu sómāḥ pavítre akṣaran |
 9.098.11c apapróthantaḥ sanutár huraścítaḥ prátás tám̐ ápracetasah ||
 9.098.12a tám̐ sakhāyaḥ purorúcam̐ yūyám̐ vayám̐ ca sūrāyaḥ |
 9.098.12c asyāma vājagandhyaṃ sanéma vājapastyam̐ ||

(811)

- 9.099.01a á haryatāya dhr̥ṣṇáve dhánus tanvanti paúm̐syam |
 9.099.01c śukrām̐ vayanty ásurāya nirñíjam̐ vipám̐ ágre mahīyúvaḥ ||
 9.099.02a ádha kṣapā páriṣkr̥to vājām̐ abhí prá gāhate |
 9.099.02c yádī vivásvato dhíyo hárim̐ hinvánti yátave ||
 9.099.03a tám̐ asya marjayāmasi mádo yá indrapátamaḥ |
 9.099.03c yám̐ gāva āsábh̐ir dadhúḥ purá nūnám̐ ca sūrāyaḥ ||
 9.099.04a tám̐ gāthayā purāṇyá punānám̐ abhy ànūṣata |
 9.099.04c utó kṛpanta dhītáyo devānām̐ náma bíbhratīḥ ||
 9.099.05a tám̐ ukṣámāṇam̐ avyáye vāre punanti dharnasím |
 9.099.05c dūtám̐ ná pūrvácittaya á śāsate manīṣīṇaḥ ||
 9.099.06a sá punāno madíntamaḥ sómas camūṣu sīdati |
 9.099.06c paśaú ná réta ādádhat pátir vacasyate dhiyáḥ ||
 9.099.07a sá mr̥jyate sukármabhir devó devébhyaḥ sutáḥ |
 9.099.07c vidé yád āsu sam̐dadír mahír apó ví gāhate ||
 9.099.08a sutá indo pavítira á nrb̐hir yató ví nīyase |
 9.099.08c índrāya matsaríntamaś camūṣv á ní śīdasi ||

(812)

- 9.100.01a abhí navante adrúhaḥ priyám̐ índrasya kām̐yam |
 9.100.01c vatsám̐ ná pūrva ávuni iátám̐ rihanti mātárah ||

- 9.100.02a punāná indāv á bhara sóma dvibárhasaṃ rayīm |
 9.100.02c tvāṃ vásūni puṣyasi víśvāni dāsúṣo grhé ||
 9.100.03a tvāṃ dhīyam manoyújaṃ sṛjā vṛṣṭīm ná tanyatúḥ |
 9.100.03c tvāṃ vásūni pāṛthivā divyā ca soma puṣyasi ||
 9.100.04a pári te jigyúṣo yathā dhārā sutásya dhāvati |
 9.100.04c ráṃhamāṇā vy àvyáyaṃ vāraṃ vājīva sānasīḥ ||
 9.100.05a krátve dákṣāya naḥ kave pávasva soma dhārayā |
 9.100.05c índrāya pātave sutó mitráya váruṇāya ca ||
 9.100.06a pávasva vājasātamaḥ pavítre dhārayā sutáḥ |
 9.100.06c índrāya soma víṣṇave devébhyo mádhumattamaḥ ||
 9.100.07a tvāṃ rihanti mātáro hárim pavítre adrúhaḥ |
 9.100.07c vatsám jātām ná dhenávaḥ pávamāna vídharmaṇi ||
 9.100.08a pávamāna máhi śrávaś citrébhir yāsi raśmíbhiḥ |
 9.100.08c śárdhan támāmsi jighnase víśvāni dāsúṣo grhé ||
 9.100.09a tvāṃ dyām ca mahivrata pṛthivīm cāti jabhriṣe |
 9.100.09c práti drāpīm amuñcathāḥ pávamāna mahitvanā ||

(813)

- 9.101.01a purójitī vo ándhasaḥ sutāya mādayitnāve |
 9.101.01c ápa śvānaṃ śnathiṣṭana sákhāyo dīrghajihvyām ||
 9.101.02a yó dhārayā pāvakáyā pariprasyándate sutáḥ |
 9.101.02c índur áśvo ná kṛtvyaḥ ||
 9.101.03a tám duróṣam abhí nárah sómaṃ víśvācyā dhiyā |
 9.101.03c yajñāṃ hinvanty ádribhiḥ ||
 9.101.04a sutáso mádhumattamāḥ sómā índrāya mandínaḥ |
 9.101.04c pavítrevanto akṣaran devān gachantu vo mādāḥ ||
 9.101.05a índur índrāya pavata íti devāso abruvan |
 9.101.05c vācās pátir makhasyate víśvasyészāna ójasā ||
 9.101.06a sahásradhārah pavate samudró vācamīṅkhayāḥ |
 9.101.06c sómaḥ pátī rayīṅām sákhéndrasya divé-dive ||
 9.101.07a ayām pūṣā rayír bhágaḥ sómaḥ punāno arṣati |
 9.101.07c pátir víśvasya bhūmano vy àkhyad ródasī ubhé ||
 9.101.08a sám u priyā anūṣata gāvo mādāya ghṛṣvayaḥ |
 9.101.08c sómāsaḥ kṛṇvate pathāḥ pávamānāsa índavaḥ ||
 9.101.09a yá ójiṣṭhas tám á bhara pávamāna śravāyyam |
 9.101.09c yāḥ páñca carṣaṇīr abhí rayīm yéna vānāmahai ||
 9.101.10a sómāḥ pavanta índavo 'smábhyaṃ gātuvítamāḥ |
 9.101.10c mitráḥ suvāná arepāsaḥ svādhyāḥ svarvídaḥ ||
 9.101.11a suṣvāṇāso vy ádribhiś cītānā gór ádhi tvacī |
 9.101.11c íṣam asmábhyam abhítaḥ sám asvaran vasuvídaḥ ||
 9.101.12a eté pūtā vipaścítaḥ sómāso dádhyāśiraḥ |
 9.101.12c sūryāso ná darśatāso jigatnávo dhruvā ghṛté ||
 9.101.13a prá sunvānāsyándhaso márto ná vṛta tát vácaḥ |
 9.101.13c ápa śvānaṃ arādhāsam hatā makhām ná bhṛṣvayāḥ ||

- 9.101.15c āpa svanam āracnasaiḥ nata mākhaiḥ na ōṃgavaḥ ||
 9.101.14a ā jāmír átke avyata bhujé ná putrá oṇyòḥ |
 9.101.14c sáraj jāró ná yóṣaṇām varó ná yónim āsádam ||
 9.101.15a sá víró dakṣasádhano ví yás tastámbha ródasī |
 9.101.15c háriḥ pavítre avyata vedhá ná yónim āsádam ||
 9.101.16a ávyo vārebhiḥ pavate sómo gávye ádhi tvací |
 9.101.16c kánikradad vṛṣā hárir índrasyābhy āti niṣkṛtám ||

(814)

- 9.102.01a krāṇā śísur mahínām hinvánn ṛtásya dídhitim |
 9.102.01c vísvā pári priyā bhuvad ádha dvitá ||
 9.102.02a úpa tritásya páṣyòr ábhakta yád gúhā padám |
 9.102.02c yajñásya saptá dhámabhir ádha priyám ||
 9.102.03a tríṇi tritásya dhārayā pṛṣṭhēsv érayā rayím |
 9.102.03c mímīte asya yójanā ví sukrátuḥ ||
 9.102.04a jajñānām saptá mātáro vedhām aśāsata śriyé |
 9.102.04c ayám dhruvó rayīṇām cíketa yát ||
 9.102.05a asyá vraté sajóṣaso víśve devāso adrúhaḥ |
 9.102.05c spārhā bhavanti rántayo juśánta yát ||
 9.102.06a yám ī gārbham ṛtāvídho drśé cārum ájījanan |
 9.102.06c kavím máṃhiṣṭham adhvaré puruspṛham ||
 9.102.07a samícīné abhí tmánā yahví ṛtásya mātára |
 9.102.07c tanvāná yajñám ānuśág yád añjaté ||
 9.102.08a krátvā śukrēbhir akṣábhír ṛṇór āpa vrajám diváh |
 9.102.08c hinvánn ṛtásya dídhitim prádhvaré ||

(815)

- 9.103.01a prá punānāya vedháse sómāya váca údyatam |
 9.103.01c bhṛtīm ná bhara matúbhir jújoṣate ||
 9.103.02a pári vārāṇy avyáya góbhir añjánó arṣati |
 9.103.02c trí śadhásthā punānáḥ kṛṇute háriḥ ||
 9.103.03a pári kósam madhuścútam avyáye vāre arṣati |
 9.103.03c abhí vāṇír řṣīṇām saptá nūṣata ||
 9.103.04a pári ṇetá matínām vísvádevo ádābhyaḥ |
 9.103.04c sómaḥ punānás camvòr visad dháriḥ ||
 9.103.05a pári daívīr ánu svadhá índreṇa yāhi sarátham |
 9.103.05c punánó vāghád vāghádbhir ámartyaḥ ||
 9.103.06a pári sáptir ná vājayúr devó devébhyaḥ sutáh |
 9.103.06c vyānaśiḥ pávamāno ví dhāvati ||

(816)

- 9.104.01a sákhāya ā ní ṣṭdata punānāya prá gāyata |
 9.104.01c śísur ná vaiśeṣī pári bhūṣata śriyé ||

- 9.104.01c śísuṃ na yajñāṃ pañ anuṣata śhīye ||
 9.104.02a sām ī vatsām ná mātṛbhiḥ sṛjātā gayasādhanam |
 9.104.02c devāvyām mādām abhí dvísavasam ||
 9.104.03a punātā dakṣasādhanam yáthā sárdhāya vītāye |
 9.104.03c yáthā mitráya váruṇāya sám̐tamah ||
 9.104.04a asmábhyaṃ tvā vasuvídām abhí vāñīr anuṣata |
 9.104.04c góbhiḥ te várṇam abhí vāsayāmasi ||
 9.104.05a sá no madānām pata índo devápsarā asi |
 9.104.05c sákheva sákhye gātuvíttamo bhava ||
 9.104.06a sánemi kṛdhy àsmád ā rakṣasam kām cid atríṇam |
 9.104.06c ápādevam dvayúm āmho yuyodhi nah ||

(817)

- 9.105.01a tám vaḥ sakhāyo mādāya punānām abhí gāyata |
 9.105.01c śísuṃ ná yajñāñ svadayanta gūrtbhiḥ ||
 9.105.02a sām vatsā iva mātṛbhir índur hinvānó ajyate |
 9.105.02c devāvīr mádo matṛbhiḥ páriṣkṛtaḥ ||
 9.105.03a ayám dáksāya sādhanó 'yám sárdhāya vītāye |
 9.105.03c ayám devébhyo mádhumattamah sutáh ||
 9.105.04a góman na indo ásvavat sutáh sudakṣa dhanva |
 9.105.04c śúcim̐ te várṇam ádhi góṣu dīdharam ||
 9.105.05a sá no harīṇām pata índo devápsarastamah |
 9.105.05c sákheva sákhye náryo rucé bhava ||
 9.105.06a sánemi tvám asmád ām̐ ádevam kām cid atríṇam |
 9.105.06c sāhvām̐ indo pári bādho ápa dvayúm ||

(818)

- 9.106.01a índram ácha sutā imé víṣṇam̐ yantu hárayaḥ |
 9.106.01c śruṣṭí jātāsa índavaḥ svarvídaḥ ||
 9.106.02a ayám bhārāya sānasír índrāya pavate sutáh |
 9.106.02c sómo jaítrasya cetati yáthā vidé ||
 9.106.03a asyéđ índro mádeṣv ā grābhám̐ gr̥bhñīta sānasím |
 9.106.03c vájram̐ ca víṣṇam̐ bharat sām̐ apsujít ||
 9.106.04a prá dhanvā soma jágrvir índrāyendo pári srava |
 9.106.04c dyumántam̐ śúsmam̐ ā bharā svarvídām ||
 9.106.05a índrāya víṣṇam̐ mādām pávasva viśvadarśataḥ |
 9.106.05c sahárayāmā pathikṛd vicakṣañāḥ ||
 9.106.06a asmábhyaṃ gātuvíttamo devébhyo mádhumattamah |
 9.106.06c saháram̐ yāhi pathíbhiḥ kánikradat ||
 9.106.07a pávasva devávītaya índo dhārābhir ójasā |
 9.106.07c ā kalásam̐ mádhumān soma nah̐ sadaḥ ||
 9.106.08a táva drapsā udaprúta índram̐ mādāya vāvṛdhuḥ |
 9.106.08c tvám̐ devāso amítāya kām̐ papuḥ ||

- 9.106.09a á naḥ sutāsa indavaḥ punānā dhāvata rayīm |
 9.106.09c vṛṣṭidyāvo rītyāpaḥ svarvīdaḥ ||
 9.106.10a sómaḥ punānā ūrmīṇāvyo vāraṃ ví dhāvati |
 9.106.10c ágre vácāḥ pávamānaḥ kánikradat ||
 9.106.11a dhībhír hinvanti vājīnaṃ váne krīlantam átyavim |
 9.106.11c abhí triprṣṭhám matáyaḥ sám asvaran ||
 9.106.12a ásarji kalásāṃ abhí mīlhé sáptir ná vājayúḥ |
 9.106.12c punānó vácamaṃ janáyann asiṣyadat ||
 9.106.13a pávate haryató hárir áti hvárāmsi rámhya |
 9.106.13c abhyárṣan stotṛbhyo vīrávad yásāḥ ||
 9.106.14a ayá pavasva devayúr mádhora dhārā asṛkṣata |
 9.106.14c rébhan pavítram páry eṣi viśvátaḥ ||

(819)

- 9.107.01a párīto śiñcatā sutāṃ sómo yá uttamāṃ havīḥ |
 9.107.01c dadhanvām yó náryo apsv ántár á suśáva sómam ádribhiḥ ||
 9.107.02a nūnám punānó 'vibhiḥ pári sraṇádabdhāḥ surabhíntaraḥ |
 9.107.02c suté cit tvāpsú madāmo ándhasā śrīnānto góbhira úttaram ||
 9.107.03a pári suvānás cákṣase devamādanaḥ krátur índura vicakṣaṇāḥ ||
 9.107.04a punānāḥ soma dhārayāpó vásāno arṣasi |
 9.107.04c á ratnadhā yónim ṛtāsya sīdasy útso deva hiraṇyáyaḥ ||
 9.107.05a duhāná údhar divyám mádhura priyám pratnāṃ sadhāstham ásadat |
 9.107.05c āpīchyamaṃ dharūṇamaṃ vājya arṣati nṛbhira dhūtó vicakṣaṇāḥ ||
 9.107.06a punānāḥ soma jāgrvir ávyo vāre pári priyāḥ |
 9.107.06c tvāṃ vípro abhavó 'ngirastamo mádhvā yajñám mimikṣa naḥ ||
 9.107.07a sómo mīdhvān pavate gātuvítama ṛsir vípro vicakṣaṇāḥ |
 9.107.07c tvāṃ kavír abhava devavítama á súryama rohaya diví ||
 9.107.08a sóma u ṣuvāṇāḥ sotṛbhira ádhi ṣṇúbhira ávīnām |
 9.107.08c áśvayeva haritā yāti dhārayā mandráya yāti dhārayā ||
 9.107.09a anūpé gómān góbhira akṣāḥ sómo dugdhābhira akṣāḥ |
 9.107.09c samudrāṃ ná samvāraṇāny agman mandí mádāya tośate ||
 9.107.10a á soma suvānó ádribhis tiró vāraṇya avyáya |
 9.107.10c jáno ná purí camvòr viśad dhāriḥ sádo váneṣu dadhiṣe ||
 9.107.11a sá māmṛje tiró áṇvāni meṣyò mīlhé sáptir ná vājayúḥ |
 9.107.11c anumādyamaḥ pávamāno manīṣibhiḥ sómo víprebhira ṛkvabhiḥ ||
 9.107.12a prá soma devavítaye síndhura ná pipye árṇasā |
 9.107.12c amśóḥ páyasā madiró ná jāgrvir áchā kóśam madhuścútam ||
 9.107.13a á haryató árjuna átké avyata priyāḥ sūnúr ná máryayaḥ |
 9.107.13c tám īm hinvanti apáso yáthā ráthama nadīṣv á gábhastyoḥ ||
 9.107.14a abhí sómāsa áyávaḥ pávante mádyama mádam |
 9.107.14c samudrāsya ádhi viṣṭápi manīṣīno matsarāsaḥ svarvīdaḥ ||
 9.107.15a tárat samudrāṃ pávamāna ūrmīnā rájā devá ṛtām bṛhát |
 9.107.15c árṣan mitrásya váruṇasya dhārmaṇā prá hinvāná ṛtām bṛhát ||

- 9.107.16a nṛbhir yemāno haryato vicakṣaṇo rāja devāḥ samudrīyaḥ ||
 9.107.17a indrāya pavate mādaḥ sómo marútvate sutāḥ |
 9.107.17c saháradhāro áty ávyam arṣati tám ī mrjanty āyávaḥ ||
 9.107.18a punānás camū janāyan matim kavīḥ sómo devēṣu raṇyati |
 9.107.18c apó vásānaḥ pári góbhira úttaraḥ sídan váneṣv avyata ||
 9.107.19a távāhām soma rāraṇa sakhyá indo divé-dive |
 9.107.19c purūṇi babhro ní caranti mām áva paridhīm̐r áti tám̐ ihi ||
 9.107.20a utāhām náktam utá soma te dívā sakhyáya babhra údhani |
 9.107.20c ghr̥ṇā tápantam áti sūryam parāḥ śakunā iva paptima ||
 9.107.21a mrjyamānaḥ suhastya samudré vācam invasi |
 9.107.21c rayim piśāngam bahulām puruṣpṛham pávamānābhy arṣasi ||
 9.107.22a mrjāno vāre pávamāno avyāye vṛṣāva cakrado vāne |
 9.107.22c devānām soma pavamāna niṣkṛtām góbhira añjāno arṣasi ||
 9.107.23a pávasva vājasātaye 'bhí vísvāni kāvya |
 9.107.23c tvām samudrām prathamó ví dhārayo devébhyaḥ soma matsaráḥ ||
 9.107.24a sá tú pavasva pári pārhivaṃ rájo divyá ca soma dhārmabhiḥ |
 9.107.24c tvām víprāso matúbhira vicakṣaṇa śubhrām hinvanti dhītíbhīḥ ||
 9.107.25a pávamānā asṛkṣata pavíttram áti dhārayā |
 9.107.25c marútvanto matsará indriyá háya medhām abhí práyāmsi ca ||
 9.107.26a apó vásānaḥ pári kósam arṣatīndur hiyānāḥ sotṛbhīḥ |
 9.107.26c janāyañ jyótira mandānā avīvaśad gāḥ kṛṇvāno ná nirñjam ||

(820)

- 9.108.01a pávasva mádhumattama indrāya soma kratuvíttamo mādaḥ |
 9.108.01c máhi dyukṣátamo mādaḥ ||
 9.108.02a yása te pītvā vṛṣabhó vṛṣāyáte 'syá pītā svarvídaḥ |
 9.108.02c sá supráketo abhy àkramīd íṣó 'chā vājam nátaśaḥ ||
 9.108.03a tvām hy àngá daívyā pávamāna jānimāni dyumáttamaḥ |
 9.108.03c amṛtatvāya ghoṣāyaḥ ||
 9.108.04a yénā návagvo dadhyānīn aporṇuté yéna víprāsa āpiré |
 9.108.04c devānām sumné amṛtasya cāruṇo yéna śrāvāmsy ānaśúḥ ||
 9.108.05a eśá syá dhārayā sutó 'vyo vārebhiḥ pavate madíntamaḥ |
 9.108.05c kr̥ṭlann ūmír apām iva ||
 9.108.06a yá usrīyā ápyā antár áśmano nír gā ákṛntad ójasā |
 9.108.06c abhí vrajām tatniṣe gávyam áśvyam varmīva dhr̥ṣṇav á ruja ||
 9.108.07a á sotā pári śiñcatāśvaṃ ná stómam aptúram rajastúram |
 9.108.07c vanakraṣám udaprútam ||
 9.108.08a saháradhāram vṛṣabhām payovṛdham priyām devāya jānmane |
 9.108.08c ṛténa yá ṛtājāto vivāvṛdhé rája devá ṛtam bṛhát ||
 9.108.09a abhí dyumnām bṛhád yása íṣas pate didīhí deva devayúḥ |
 9.108.09c ví kósam madhyamām yuva ||
 9.108.10a á vacyasva sudakṣa camvòḥ sutó viśām váhnir ná viśpátīḥ |
 9.108.10c vṛṣtīm divāḥ pavasva rītīm apām jīnvā gáviṣṭaye dhíyaḥ ||

- 9.108.11a etám u tyám madacyútaṃ sahásradhāraṃ vṛṣabhám dívo duhuḥ |
 9.108.11c vísvā vásūni bíbhratam ||
 9.108.12a víṣā ví jajñe janáyann ámarत्याḥ pratápañ jyótiṣā támaḥ |
 9.108.12c sá súṣṭutaḥ kavíbhír nirñijaṃ dadhe tridhātv asya dáṃsasā ||
 9.108.13a sá sunve yó vásūnāṃ yó rāyām ānetā yá īlānām |
 9.108.13c sómo yāḥ sukṣitínām ||
 9.108.14a yásya ná índraḥ píḃād yásya marúto yásya vāryamáṇā bhágaḥ |
 9.108.14c ā yéna mitrávaruṇā kárāmaha éndram ávase mahé ||
 9.108.15a índrāya soma pátave nṛbhír yatáḥ svāyudhó madántamaḥ |
 9.108.15c pávasva mádhumattamaḥ ||
 9.108.16a índrasya hárdi somadhānam ā viśa samudrám iva síndhavaḥ |
 9.108.16c júṣṭo mitráya varuṇāya vāyāve divó viṣṭambhá uttamáh ||

(821)

- 9.109.01a pári prá dhanvéndrāya soma svādúr mitráya pūṣṇé bhágāya ||
 9.109.02a índras te soma sutásya peyāḥ krátve dáksāya víśve ca devāḥ ||
 9.109.03a evāmítāya mahé kṣáyāya sá śukró arṣa divyāḥ pīyúṣaḥ ||
 9.109.04a pávasva soma mahān samudráḥ pitā devānāṃ vísvābhí dhāma ||
 9.109.05a śukráḥ pavasva devébhyaḥ soma divé pṛthivyaí sám ca prajāyai ||
 9.109.06a divó dhartāsi śukráḥ pīyúṣaḥ satyé vídharman vājí pavasva ||
 9.109.07a pávasva soma dyumní sudhāro mahām ávīnām ánu pūrvyāḥ ||
 9.109.08a nṛbhír yemāno jajñānāḥ pūtāḥ kṣārad vísvāni mandráḥ svarvít ||
 9.109.09a índuḥ punānāḥ prajāṃ urānāḥ kárad vísvāni dráviṇāni naḥ ||
 9.109.10a pávasva soma krátve dáksāyāsvo ná niktó vājí dhānāya ||
 9.109.11a tám te sotāro rásam mádāya punānti sómam mahé dyumnāya ||
 9.109.12a śísuṃ jajñānāṃ hárim mṛjanti pavítre sómaṃ devébhya índum ||
 9.109.13a índuḥ paviṣṭa cārv índrasya náma yéna vísvāni vṛtrā jaghána ||
 9.109.14a bíbharti cārv índrasya náma yéna vísvāni vṛtrā jaghána ||
 9.109.15a píḃanty asya víśve devāso góbhiḥ śrítāsya nṛbhiḥ sutásya ||
 9.109.16a prá suvāno akṣāḥ sahásradhāras tirāḥ pavíttraṃ ví vāram ávyam ||
 9.109.17a sá vājy akṣāḥ sahásraretā adbhir mṛjāno góbhiḥ śrīṇānāḥ ||
 9.109.18a prá soma yāhíndrasya kuksā nṛbhír yemāno ádrībhiḥ sutáḥ ||
 9.109.19a ásarji vājí tirāḥ pavíttraṃ índrāya sómaḥ sahásradhāraḥ ||
 9.109.20a añjānty enam mádhvo rāsenéndrāya víṣṇa índum mádāya ||
 9.109.21a devébhyas tvā vīthā pájase 'pó vásānaṃ hárim mṛjanti ||
 9.109.22a índur índrāya tośate ní tośate śrīṇānn ugró riṇānn apāḥ ||

(822)

- 9.110.01a páry ū sú prá dhanva vājasātaye pári vṛtrāṇi sakṣāṇiḥ |
 9.110.01c dviśás tarādhyā ṛṇayā na īyase ||
 9.110.02a ánu hí tvā sutáṃ soma mádāmasi mahé samaryarājye |
 9.110.02c vājāñ abhí pavamāna prá gāhase ||

- 9.110.03a ájījano hí pavamāna sūryaṃ vidhāre śákmanā páyaḥ |
 9.110.03c góḥrayā rāṃhamāṇaḥ púramdhyā ||
 9.110.04a ájījano amṛta mártyeṣv āṃ ṛtasya dhármann amṛtasya cāruṇaḥ |
 9.110.04c sádāsaro vājam áchā sániṣyadat ||
 9.110.05a abhy-àbhi hí śrávasā tatárdithótsaṃ ná káṃ cij janapānam ákṣitam |
 9.110.05c śáryābhir ná bháramāṇo gábhastyoḥ ||
 9.110.06a ád īṃ ké cit páśyamānāsa ápyaṃ vasurúco divyā abhy ànūṣata |
 9.110.06c vāraṃ ná devāḥ savitā vy ūrṇute ||
 9.110.07a tvé soma prathamā vṛktābarhiṣo mahé vājāya śrávase dhíyaṃ dadhuḥ |
 9.110.07c sá tvāṃ no vīra vīryāya codaya ||
 9.110.08a divāḥ pīyūṣaṃ pūrvyāṃ yád ukthyāṃ mahó gāhād divā á nír adhuḥṣata |
 9.110.08c índram abhí jāyamānaṃ sám asvaran ||
 9.110.09a ádha yád imé pavamāna ródasī imā ca víśvā bhúvanābhí majmánā |
 9.110.09c yūthé ná niṣṭhā vṛṣabhó ví tiṣṭhase ||
 9.110.10a sómaḥ punāno avyāye vāre śísūra ná krīḷan pávamāno akṣāḥ |
 9.110.10c sahásradhāraḥ śatāvāja índuḥ ||
 9.110.11a eṣā punāno mádhumaṃ ṛtávéndrāyénduḥ pavate svādúr ūrmīḥ |
 9.110.11c vājasánir varivovíd vayodhāḥ ||
 9.110.12a sá pavaśva sáhamānaḥ pṛtanyūn sédhan rákṣāmsy ápa durgāhāni |
 9.110.12c svāyudhāḥ sāsahvān soma śátrūn ||

(823)

- 9.111.01a ayá rucá háriṇyā punāno víśvā dvēśāmsi tarati svayúgvabhiḥ sūro ná svayúgvabhiḥ |
 9.111.01d dhārā sutásya rocate punāno aruṣo háriḥ |
 9.111.01f víśvā yád rūpā pariyāty ṛkvabhiḥ saptāsyebhir ṛkvabhiḥ ||
 9.111.02a tvāṃ tyát pañīnāṃ vido vásu sám māṭṛbhir marjayasi svā á dáma ṛtasya dhītībhir dáme |
 9.111.02d parāváto ná sāma tát yátrā ráṇanti dhītáyāḥ |
 9.111.02f tridhātubhir áruṣībhir váyo dadhe rócamaṇo váyo dadhe ||
 9.111.03a pūrvāṃ ánu pradísāṃ yāti cékitat sám raśmībhir yatate darśató rátho |
 9.111.03c daívyo darśató ráthaḥ |
 9.111.03d ágmān ukthāni paúmsyéndram jāitrāya harṣayan |
 9.111.03f vājraś ca yád bhāvatho ánapacyutā samátsv ánapacyutā ||

(824)

- 9.112.01a nānānāṃ vā u no dhíyo ví vratāni jánānāṃ |
 9.112.01c tákṣā riṣṭāṃ rutāṃ bhiṣág brahmā sunvántam ichatíndrāyendo pári srava ||
 9.112.02a járatībhir óśadhībhiḥ parṇébhīḥ śakunānāṃ |
 9.112.02c kārmaró ásmabhir dyúbhir híraṇyavantam ichatíndrāyendo pári srava ||
 9.112.03a kārúr ahāṃ tató bhiṣág upalaprakṣīṇī nanā |
 9.112.03c nānādhiyo vasūyávó 'nu gā iva tasthiméndrāyendo pári srava ||
 9.112.04a áśvo vólhā sukhāṃ ráthaṃ hasanāṃ upamantrīṇaḥ |

9.112.04c śépo rómaṇvantau bhedaú vār ín maṇḍúka ichatíndrāyendo pári srava ||

(825)

- 9.113.01a śaryanaāvati sómam índraḥ pibatu vṛtrahā |
9.113.01c bálaṃ dádhāna ātmāni kariṣyān vīryaṃ mahád índrāyendo pári srava ||
9.113.02a á pavasva diśāṃ pata āṛjikāt soma mīdhvaḥ |
9.113.02c ṛtavākéna satyéna śraddháyā tápasā sutá índrāyendo pári srava ||
9.113.03a parjányavṛddham mahiṣāṃ táṃ sūryasya duhitābharat |
9.113.03c táṃ gandharvāḥ práty agr̥bhṇan táṃ sóme rásam ádadhur índrāyendo pári srava ||
9.113.04a ṛtāṃ vádann ṛtadyumna satyāṃ vádan satyakarman |
9.113.04c śraddhāṃ vádan soma rājan dhātrā soma páriṣkṛta índrāyendo pári srava ||
9.113.05a satyámugrasya br̥hatāḥ sám sravanti saṃsravāḥ |
9.113.05c sám yanti rasíno rásāḥ punāno br̥hmaṇā hara índrāyendo pári srava ||
9.113.06a yátra brahmá pavamána chandasyāṃ vācaṃ vádan |
9.113.06c grāvñā sóme mahīyáte sómenānandāṃ janáyann índrāyendo pári srava ||
9.113.07a yátra jyótir ájasraṃ yásmiñ loké svār hitám |
9.113.07c tásmin máṃ dhehi pavamānāmṛte loké ákṣita índrāyendo pári srava ||
9.113.08a yátra rájā vaivasvató yátrāvaródhanam divāḥ |
9.113.08c yátrāmūr yahvátīr ápas tátra máṃ amṛtaṃ kṛdhíndrāyendo pári srava ||
9.113.09a yátrānukāmāṃ cáraṇaṃ trināké tridivé divāḥ |
9.113.09c loká yátra jyótiṣmantas tátra máṃ amṛtaṃ kṛdhíndrāyendo pári srava ||
9.113.10a yátra kāmā nikāmās ca yátra bradhñásya viṣṭāpam |
9.113.10c svadhá ca yátra tṛptiś ca tátra máṃ amṛtaṃ kṛdhíndrāyendo pári srava ||
9.113.11a yátrānandás ca módās ca múdaḥ pramúda āsate |
9.113.11c kāmasya yátrāptāḥ kāmās tátra máṃ amṛtaṃ kṛdhíndrāyendo pári srava ||

(826)

- 9.114.01a yá índoḥ pávamānasyānu dhāmāny ákramīt |
9.114.01c táṃ āhuḥ suprajá iti yás te somávidhan mána índrāyendo pári srava ||
9.114.02a ṛṣe mantrakṛtāṃ stómaiḥ káśyapodvardháyan gíraḥ |
9.114.02c sómaṃ namasya rájanaṃ yó jajñé vīrúdhāṃ pátir índrāyendo pári srava ||
9.114.03a saptá díso nānāsūryāḥ saptá hótāra ṛtvíjaḥ |
9.114.03c devá ādityá yé saptá tébhiḥ somābhí rakṣa na índrāyendo pári srava ||
9.114.04a yát te rájañ chṛtāṃ havís téna somābhí rakṣa naḥ |
9.114.04c arātívá má nas tāṛīn mó ca naḥ kíṃ canāmamad índrāyendo pári srava ||